


十





大唐開元禮卷第一百十七

三品已上嫡子冠

將冠筮于廟門之外無廟者筮于正寢之堂主人謂  
冠者之父兄也公服立于門東西面無廟者于堂上楹間近  
東西面掌事者各服其服立于門西東面北上無廟  
者立于楹間近西東面北上布篚席于闈西闈外西  
面無廟者于主人之西西面筮者開匱出策兼執之  
東命受命于主人主人曰為嫡子某某日加冠庶幾  
從之筮者曰諾進就筮席西面以韜擊策遂述曰假  
爾太筮有常某為嫡子某某日加冠庶幾從之乃釋



贛坐筮吉訖興降席東面稱占日從筮者退若不吉則筮遠者如初儀贊禮者進主人之左告禮畢掌事者徹筮席前三日筮賓如求日之儀筮賓之日可前使冠子者二日主人戒賓及贊冠者主人至賓大門外掌次者引之次主人公服出次門立于外之西東面賓公服主人于阼階下西面賓者公服進于賓之左北面受命立出于門東西面曰敢請事主人曰某之子某將加冠請某子教之相稱各隨官爵賓者入告賓出立于門東西面再拜主人答拜主人曰某之子某將冠願吾子教之賓曰某不敏恐不能供事以辱于吾子敢辭主

人曰某猶願吾子教之賓曰吾子重有命某敢不從主人再拜賓答曰主人還賓拜送主人戒贊官者亦如之亦通使子前一日掌事者設次于大門外之右南向其日夙興贊者設洗正寢阼階東南東西東雷六品以下南北以堂深壘水在洗東加勺幕篚在洗

西南肆實巾一于篚加幕席于東房西牖下無房者張帷之陳服于席東領北上冕服青衣纁裳一品衮冕服九章

蟲火宗彝四章在上藻粉黼黻二品米蕩冕服七章三章在衣宗彝四章在裳藻粉朱黼黻三品毳毼五章在于宗彝藻粉二章在裳黼黻四品綉冕服三章一章在衣粉二章在裳黼黻五品元冕衣無章裳刺黼黻一章六品已下白紗中單黼領青標襪裾草帶爵弁服青衣纁裳







實以東質明賓贊豆豆人大門外掌禮者引之次賓

贊公服請行事者各服其服六品以下無公服執樽壘

篚者皆就位冕衰冕垂青廣九珠簪尊鷲冕七旒毳冕

七五旒餘皆同衰旒四品五品綉冕三旒餘同綉冕

六品以下爵弁元纓也進賢冠三梁纓青綬導四品五

六品以下爵弁元纓也進賢冠三梁纓冠冕各一箱各

一人執之侍于西階之西東面北上設主人之席于

阼階上西面賓席于西階上西面賓席于西階上東

面冠者席于主人東北西面主人公服立于阼階下

當東序西面諸親公服非公服者常服立于盥洗東

南西面北上尊者停儻者公服立于門外道東北面

將冠者雙童髻空頂幘雙玉導金寶飾絲袴褶綿伸

烏皮履六品以下尊不以立于房內戶東西面賓及

贊冠者出次立于門西贊冠者少退俱東面北上儻

者進于主人之左北面受命出立于門東西面曰敢

請事賓曰某子有嘉禮命某執事儻者入告主人迎

賓于大門外之東西面再拜賓答拜凡主賓拜揖出

也主人揖贊冠者執揖者執揖主人又揖賓賓執揖

主人入賓及贊冠者次入及內門主人揖賓賓揖揖

主人與賓入贊冠者從之至內雷將曲揖賓報揖階



主人立于階東西面賓立于階西東面主人曰請吾子升曰某將事敢辭主人曰固請吾子升賓曰某敢固辭主人曰終請吾子升賓曰某敢終辭豆人升自阼階立于席東西向賓升自西階立于席西東向贊冠者及庭盥于洗升自西階入于東方立于主人贊冠者之南俱西面主人贊冠者引將冠者少出立于房戶外之贊冠者取纒櫛簪箱跪奠于冠者筵南端與席北少東西面立賓揖將冠者賓主供即座坐將冠者進升席西面坐賓之贊冠者進筵前東面跪脫雙童髻置于櫛箱畢設纒興復位立賓主俱興賓降

盥主從降賓東西辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立于席後西面賓立于西階上東東面執緇布冠者升賓降一等受之右執頃左執前進將冠者筵前東向立祝曰今月吉日始加元服弁弁初志順爾成德壽考維祺永介景福乃跪興復西階上席後東面立賓之贊冠者進冠前東面跪結纓興復位冠者興賓揖冠者冠者適房賓主俱坐冠者青衣紫裳之服出房戶西南面立賓俱興賓揖冠者冠者進升席西向坐賓之贊冠者跪脫纒布冠置于箱櫛畢



設纓設興復位賓降二等受進賢冠庶人則黑介幘右執

項左執前進賢冠者筵前東向立祝曰吉月令辰乃

申爾服敬爾威儀俶慎爾德眉壽萬年永受胡福乃

跪冠興復位賓之贊冠者跪設簪纓興賓揖冠者冠

者適房賓主俱坐冠者著絳紗服庶子則自出房戶

西南面立賓豆俱興賓揖冠者進升西席向坐賓之

贊冠者跪服脫進賢冠庶人則于箱櫛畢設纓興復

位賓降三等受冕六品受爵弁庶人黑介幘右執項左執前進冠

者筵前東向立祝曰以歲之正以月之令咸介爾服

兄弟具在以成厥德黃耆無疆受天之慶乃跪冠興

復位賓之贊冠者跪設簪結纓興復位冠者賓揖冠

者適房賓主俱坐主人贊冠者徹纓櫛簪箱及筵入

于房又筵于室戶西南向冠者着冠服卓六品已下

着爵弁之服庶人則絳公服出房戶西南立賓主俱興主人

贊冠者盥手洗解于房酌醴加柶覆之面蓐出房南

面立賓揖冠者冠者就筵西南面立賓進受醴于室

戶東柶面柶進冠者筵前北面立祝曰甘醴維厚嘉

薦令芳拜受拜祭之以定爾祥承天之休壽考不忘冠

者冠者筵西拜受解賓復西階上東面答拜執饌者

奉饌薦于冠者筵坐左執解右取脯擣于鹽祭于籩



豆之間贊冠者取肺一以授冠者冠者奠解於薦西  
興受却左手執本坐右絕末以祭上左手濟之興以  
授贊冠者坐悅手取解以柶祭醴加柶于解西興  
筵未坐啐醴建柶興降筵西南面跪奠解再拜執解  
興賓答拜賓主俱坐冠者升筵跪奠解于薦東興進  
北面跪取脯降自西階入見毋進奠脯于席前退再  
拜以出冠者毋不在則使人受脯于西階下初冠者  
入見毋賓主俱興賓降當兩序東面立主人降當東  
序西面立冠者既見毋出立于西階之東南面賓少  
進字之日禮儀既備令月吉日昭告爾字爰字孔嘉

髦士攸宜錫之于嘏永受保之曰伯某甫冠者曰某  
雖不敏夙夜祇奉賓出主人送于內門外主人西面  
請賓曰吾子辱執事請禮從者賓曰某既得將事敢  
辭主人曰敢固以請賓曰某辭不得命敢不從賓就  
次主人入初賓出冠者東面見諸親拜之冠者答拜  
冠者西面拜賓之贊冠者贊冠者答拜訖見諸尊于  
別室賓主既釋服改席訖賓與衆賓俱出次立于門  
東西面主人揖賓賓報揖主人先入賓及衆賓從之  
至階一讓升各就坐後立定俱升坐會訖賓主俱興  
賓立于西階上贊冠者在北少退俱東面立人立于



東階上西面衆賓降立于西階下東面掌事者以幣  
篚升授主人于序端主人執篚少進西面立又掌事  
者奉幣篚升牽馬者牽兩馬入陳于門內三分庭一  
在南北首西上賓還西上賓還西階上北面贊冠者  
立于賓左少退賓贊俱再拜主人進立于楹間南面  
贊退立于立人之右俱南面主人授幣篚賓受之退  
復東面位于主人授幣掌事者又以幣篚授贊冠者  
贊冠者退復位主人還拜階上北面拜送賓降自西  
階從者送受幣賓當庭賓東面揖出牽馬者從出從  
者送受馬于賓降主人降送賓于大門外之東西面

再拜賓退主人入孤子則諸父諸兄戒賓冠之曰主  
人髻而迎賓拜揖讓如冠主冠于阼醴之及禮賓拜  
送皆如上儀明日見廟冠者朝服質明贊禮者引入  
廟南門中庭道西北面贊再拜訖引出



大唐開元禮卷第一百十八

三品以上庶子冠

將冠筮日筮賓如嫡子之儀前二日主人戒賓及贊冠者前一日掌事者設洗于大門外之右南面其日

夙興贊者設洗于正寢阼階東南東西當東雷六品已下

當東南北以堂深壘水在洗東加勺幕篚在洗西南

肆實巾一于篚加幕席于東房內西牖下無房者張帷為之

陳服于席東領北上冕服青衣纁裳一品袞服九章

華蟲大宗彝四章在裳蒲粉未黼散二品鷩冕服七

品毳冕服五章在衣宗彝未二章在裳黼散五元已冕

綉袞服三章一章在衣粉二章在裳黼散五元已冕



衣下無章裳刺青繡一六白紗中單黼青標襪裙草帶  
品下無章裳刺青繡一六白紗中單黼青標襪裙草帶  
鉤釧大帶三品素帶純其垂外以元內以黃細約皆用組  
四品青組六品素帶純其垂外以元內以黃細約皆用組  
隨裳色山一大二章四品無章劍飾五品飾以金玉四品雙珮一  
品綉裳山玉品章元冕無章劍飾五品飾以金玉四品雙珮一  
以上色玉蒼玉雙綵長一品大綵尺綵三首廣九寸皆  
二品首廣八寸皆有小雙綵長尺綵三首廣九寸皆  
而首半之一品施二品玉環四尺首廣七寸五品青白紅  
純青質長一丈四尺一丈二尺一丈首廣七寸五品青白紅  
二綵青紺純質長一丈四尺一丈二尺一丈首廣七寸五品青白紅  
小雙綵長二尺六寸色同大綵而首半之六品以下  
爵已鞞朱鞞赤烏人五介情服絳公服方心草帶鈎釧履庶  
履帶鞞進賢冠服絳紗單衣白紗中單皂領標襪裙白

裾褐赤裾草帶鈎釧帶曲領方心絳紗蔽膝白鞞黑  
烏八品以下去中單曲領蔽膝黑履庶劍雙珮雙綵  
六品以下緇布冠服青衣素裳素鞞中單草帶大帶  
無劍綵緇布冠服青衣素裳素鞞中單草帶大帶  
同履與進賢冠服同庶人帶鞞與介情同元鞞弁服同  
緇履與進賢冠服同庶人帶鞞與介情同元鞞弁服同  
緇履與進賢冠服同庶人帶鞞與介情同元鞞弁服同  
純加藻席三緇純又南樽于房戶外之西兩甌元酒  
在西加勺幕設坫于樽東置二爵于坫加幕饌陳于  
服北四品以下蒲筵三績布純不加萑席四品去帛純六  
篚無坫角為之吹如之饌用品六及膳三俎一品設  
二品十籩十豆三品八品四品六及膳三俎一品設  
體節折加雜一俎二實加監脯棗之屬豆實醢醬之類  
六品以下特一俎二實加監脯棗之屬豆實醢醬之類



質明賓贊至主人大門外掌次者引之次賓贊公服

諸行事者各服其服六品以下無公服執樽壘筐者皆

就位冕衮冕垂青珠九旒以組為纓色如其綬青纓

冕四品五品綉冕垂青珠四旒以組色如其綬青纓

充耳角導元冕三旒餘同綉冕六品以下敢用爵弁

元纓導庶人賢冠三梁纓青緌導四品一品五品兩京六

介緇布冠青組纓冠冕各一箱各一人執之待于西階

之東西北上設主人之席于阼階上西面賓席于西

階上東面冠者席于房戶外之西南面房外謂主人

公服立于阼階下當東序西諸親公服非公服者常

服立于壘洗東南西面北上尊者停賓者公服立于

門內道東北面將冠者雙章髻空頂幘雙王道金寶

飾綵袴褶錦紳烏皮履立于房內南面主人贊冠者

公服立于房內戶東西面賓及贊冠者出次立于門

西贊冠者少退俱東面北上賓者退于主人之左北

面受命出立于門東西面曰敢請事賓曰某子有嘉

禮命某執事賓者入告主人近賓于大門外之東西

面再拜賓答拜凡賓主拜揖入主人揖贊冠者贊冠

者報揖主人又揖賓賓報揖主人入賓及贊冠者次

入及門內主人揖賓賓報揖主人與賓入贊冠者從

之至內雷將曲揖賓執揖至階主人立于阼階東西



面賓立于階西東面主人曰請吾子升賓曰某備將  
事敢辭主人曰固請吾子升賓曰某敢終辭主人自  
升阼階立于席東西向賓升自西階立于席西東向  
贊冠者及庭盥于洗升自西階入于東房立于立人  
贊冠者之南俱西面主人贊冠者引將冠者出立于  
房戶外之西南面賓之贊冠者取纒櫛簪箱跪奠于  
冠者筵東與席東少北南面立賓揖將冠者賓主俱  
即席坐將冠者進升席面南坐賓之贊冠者進筵前  
北面跪脫雙童髻置于箱櫛畢設纒與復位立俱興  
賓降盥主人從賓主東西辭曰請吾子不降主人曰

吾子降辱敢不從降賓至盥洗盥水訖詣西階賓主  
一揖一讓升主人立于席後西面賓立于西階上東  
面執緇布冠者升賓升一等受之右執頃左執前進  
將冠者筵前北向跪興復西階上席後東面立賓之  
贊冠者進筵前北面跪結纒興復位冠者與賓揖冠  
者適房賓主俱坐冠者着青衣素裳之服出房立于  
戶西南賓主俱興賓揖冠者進立于席後南曲賓降  
盥主人從降辭對如初賓盥手跪取爵于篚興洗訖  
詣西階賓主人立于席後西面賓詣酒尊所酌酒進  
冠者筵前北面向立視曰旨酒既清嘉薦亶時始加



元服兄弟具來者友時格永乃保之冠者筵西拜受  
爵賓復西階上東面荅拜執饌者薦籩豆于冠者筵  
前冠者升筵坐左執爵右取脯擣于鹽祭于籩豆之  
間祭酒盥筵未坐啐酒執爵興降筵西跪奠爵再拜  
執爵興賓荅拜冠者升筵跪奠爵于薦東興立于筵  
西南執饌者徹薦爵賓揖冠者冠者進升筵南向坐  
冠賓之坐冠者跪脫纁布冠置于箱櫛畢設纁興復  
位賓降二等受進賢冠庶人則黑介幘右執頃左執前進冠  
者筵前北面跪冠興復位賓之贊冠者坐設簪纓興  
復位冠者興賓揖冠者冠者適房賓主俱坐冠者著

絳紗服庶人則裙襦服出房立于戶西南面賓主俱興賓揖

冠者進立于席後南面賓詣酒尊所取爵酌酒進冠  
者筵前北面立祝曰旨酒既清嘉薦伊時乃中介服  
禮儀有序祭此嘉爵承天之祐冠者筵西拜受爵賓  
服西階上東面荅拜執饌者薦籩豆冠者升筵坐左  
執爵右祭脯醢祭酒興筵末坐啐酒執爵興降筵西  
跪奠爵再拜執爵興賓荅拜冠者筵坐奠爵于薦東  
興立于筵西南面執饌者徹薦爵賓揖冠者冠者進  
升席南面坐賓之贊者跪脫進賢冠庶人則黑介幘置于箱  
櫛畢設纓與復位賓位賓降三等受冕六品以下受冕并庶人則



饋黑介右執頃左執前進冠者筵前北向跪冠興復位  
賓之贊冠者坐設簪結纓興復位冠者興賓揖冠者  
適房賓主俱坐主人贊冠者徹櫛箱入房于冠者著  
冠服六品以下爵弁服庶人絳紗服出房立于戶西南面賓主俱興  
賓揖冠者冠者進立于席後南面賓詣酒尊所取爵  
酌酒進冠者筵前北向立祝曰旨酒既芳籩豆有楚  
咸加介服者升折俎承天之慶壽福無疆冠者筵西  
拜受爵賓復位東面荅曰執饌者薦籩豆設俎于籩  
豆之南冠者升筵坐左執爵右祭脯醢贊冠者取脯  
一以授冠者冠者奠爵于薦西興興受却左手執本

坐右絕末以祭上左手齍之興加于俎冠者坐悅手  
執爵祭酒興筵末坐啐酒興降筵西南坐奠爵再拜  
執爵賓饗拜冠者升筵坐奠爵于薦東興降席北南  
跪取脯降自西階入見母進奠脯于席前退再拜以  
出冠者母不在則使人受脯于西階下初冠者入見  
母賓主俱興賓降當西序東面立主人降當東序西  
面立冠者既見母出立于西階之東南上賓少進字  
之曰禮儀既備令月吉日昭告爾字爰字孔嘉髦士  
攸宜錫之于嘏永受保之孟某甫仲叔季惟其所當  
冠者曰某雖不敏夙夜祇奉賓主人出送于內門外



主人西面請賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親拜之冠者荅拜者西向面拜賓之贊冠者荅拜訖諸尊于別室賓主既釋服改席訖賓與衆賓俱出次立于門西東面主人出門東西面主人揖賓報揖主人先入賓及衆賓從之至階一讓各升就坐後立定升坐會訖賓主俱興賓立于西階上贊冠者在北少進俱東面主人立于東階上西面衆賓降立于西階下東西掌事者以幣篚升授主人于序端主人執篚少進西

面立又掌事者奉幣篚升立于主人之後于幣篚升牽馬者升兩馬入陳于門內三分庭一在南北首西上賓還西階上北面贊冠者于賓左少退賓贊者俱再拜主人進立于楹間南面賓贊退立于主人之右俱南面主人授幣篚實受之退復東面位于主人授篚掌事者又以幣篚授贊冠者退復位主人還阼階上北面拜送賓降自西階從者迂受幣賓當庭賓東面揖東出牽馬者從出從者迂受馬于門外于賓降主人降送賓于大門<sup>外</sup>之東西面再拜賓退主人入孤子則諸父諸兄或賓冠之日主人髻而迎賓拜揖讓



如冠主冠醮禮賓拜送皆如上儀明日見廟冠者朝服無廟者見祖稱于正寢冠者公服庶人則常服質明贊禮者引入廟南門道西中庭九面贊再拜訖引出無廟者設几筵于正寢贊禮者引入至庭北面再拜訖引出五品以上孫九品以上子冠假用出身品服其三品以上大功以上親五品以上親冠同八品九品服

大唐開元禮卷第一百十八

大唐開元禮卷第一百十九

四品五品嫡子冠

將冠筮于廟門之外主人謂將冠者之父兄父服立于門東西南掌事者各服其服立于門西東面北上布筮席于闈西闈門西南筮者開牖出策兼執之東面受命于主人主人曰為嫡子某某日加冠庶子從之筮者曰諾進就筮席西面以韝繫策遂迷日假爾大筮布常某為嫡子某某日加冠庶子從之乃釋韝坐筮訖興降席東面稱占曰從筮者退若不吉則筮遠日如初儀贊禮者進主人之左告禮畢掌事徹筮席前三



日益賓如求日之儀筮賓筮其可前三日主人戒賓  
及贊冠者主人至賓大門外掌次者引之次主人公  
服次立于門外之西東面賓公服立于阼階下西面  
備者公服進于賓之左北面受命出立于門東西南  
曰敢請事主人曰某之子某將加冠請某子教之賓  
曰某不敏恐不能供事以辱吾子相稱各備者入告  
賓出立于門東西面再拜主人答拜主人曰某之子  
某將加冠願吾子教之賓曰某不敏恐不能供事以  
辱吾子敢辭主人曰某猶吾子教之賓曰吾子重有  
命某敢不從主人再拜賓答拜主人還賓送主人戒

贊冠者亦如之亦通使子前一日掌事者設次于大

門外之右南向其日夙興贊者設洗于正寢阼階東

南東西當雷南北以堂深壘水在洗東加幕篚在洗

西南向肆實巾一于篚中加幕席于東房內西牖下

無房者張陳服于席東領北上冕服青衣纁裳四品

惟為之服三章一章在衣粉未二章在裳黼白紗中單青領

黻五品元冕衣無章裳刺黼一章在裳黼白紗中單青領

標襍裾草帶鈎釧大帶素帶純其垂外以元黻繡冕

章元冕劍玉飾以雙珮玉蒼雙綬四品青綬三綬青白

無章尺一百四十首廣七寸五品黑二綬青紅純質長一  
丈三尺十首廣六寸皆有小雙綬長二尺六寸色  
同大綬而朱襪赤舄進賢冠服絳紗中單衣白紗中  
首半之



單皂領標襪裾白裾烏衫草帶鈎釧假帶曲領方

心絳紗蔽膝白鞞黑烏劍珮雙絞績布冠服青衣素

裳素鞞中單草帶劍珮絞與冕績纒櫛簪同箱在服

南纒今用皂巾六寸屬帶于前兩隅滿筵四績布袖加翟席四元帛

純又在南側樽醜醴在北加勺罍設篚在樽側北實

角解角柶各一加罍饌陳于篚北柶以角為之狀如

三俎籩六豆六牲體節折加離勝實籩實屬豆實菹醢之類設洗于東房近

北壘水在洗西篚在洗東北肆實以巾質明賓贊至

于豆人大門外掌次者引之次賓贊公服諸行事者

各服其服執樽壘篚者皆就位冕綉冕垂青珠四旒以

青纒充耳角導去冕三旒餘同繡冕之服進賢冠兩梁纓青綵導績布冠

青組纓冠冕各一箱各一人執之待西階之西東西

北上設主人之席于阼階上西面賓席于西階上東

面冠者席于主人東北西面主人公服立于阼階下

當東序西面諸親公服非公服者常服立于壘洗東

南西面北上別尊者停儻者非公服立于門內道東北

面將冠者雙童髻雙玉導金飾綵袴褶錦紳烏皮履

立于房內南西主人之贊冠者公服立于房內戶東

西面賓及贊冠者出次立于門西贊冠者少退俱東

面北上儻者進于主人之左北面受命出立于門東



西面曰敢請事賓曰某子有加禮命某執事儻者入告主人迎賓于大門外之東西面再拜賓答拜

凡賓主拜

揖出入皆贊禮者相導

主人揖贊冠者贊冠者報揖主人又揖

賓賓報揖主人揖入賓及贊冠者次入及內門主人揖賓賓報揖主人與賓入贊冠者從之至內雷將曲揖賓報至階主人立于東西面賓立于階西東面主人曰請吾子升賓曰某備將事敢辭主人曰固請吾子升賓曰某敢固辭主人終請吾子升賓曰某敢終辭主人升自阼階立于席東西面向賓升自西階立于席西東向贊冠者及庭盥手洗升自西階入于東

房立于主人贊冠者之南俱西面主人贊冠者引將冠者出立于房戶外之西南面賓之贊冠者纒取櫛簪箱跪奠于冠者筵南端與席北少東西面立賓揖將冠者賓主俱即席坐將冠者進升席西面坐賓之贊冠者進筵前東面跪脫雙童髻置于箱櫛畢設纒與復位立賓降盥主人從降賓東面辭曰請吾子不降主人曰吾子降辱敢不從降賓至壘洗手訖詣西階賓主一揖一讓升主人立于席後西面賓立于西階上東面執纒布冠者升賓降一等受之右執頂左執前進將冠者筵前東向立祝曰今月吉日始加



元服弃余志順爾成德壽考維祺介爾景福乃跪冠  
興復西階上席後東面立賓之贊冠者進筵前東面  
跪結纓興復位冠者興賓揖冠者冠者適房賓主俱  
坐冠者着青衣素裳之服出房戶西南面賓主俱興  
賓揖冠者冠者進升席西向坐賓之贊冠者跪脫績  
布冠置于箱櫛畢設纓興復位賓降二等受進賢冠  
右執項左執前進冠者筵前東向立祝曰吉月今日  
乃申爾服敬爾威儀淑爾德眉壽萬年永受胡福乃  
冠奠興賓揖賓之贊冠者設簪結纓興復位冠者興  
賓揖冠者冠者適房賓主俱坐冠者着絳紗服出房

戶西南面立賓主俱興賓揖冠者冠者進升西向坐  
賓之贊冠者跪進賢冠置于箱櫛畢設纓興復位賓  
降三等受冠右執項左執前進冠者筵前東向立祝  
曰以歲之正以月之令咸加爾服兄弟其在以成德  
德黃者無疆受天之慶乃跪冠興復位賓之贊冠者  
跪設簪結纓興復位冠者興賓揖冠者冠者適房賓  
主俱坐主人贊冠者徹纓櫛簪纓箱及筵入于房又  
筵于室戶西向冠者着冕服出房戶西南面立賓主  
俱興主人贊冠者盥手洗解于房酌醴加柶履之面  
蒸出房南面立賓揖冠者冠者就筵筵西南面立賓



進醴于室戶東柶面柶進冠者筵前北面立祝曰甘醴惟厚嘉薦令芳拜受祭之以定爾祥逐天之休壽考不忘冠者筵西拜受觶賓復西階上東面荅拜執饌者奉饌薦于冠者筵前者升筵坐左執觶右取脯擣于醢祭于籩豆之間贊冠者取脯一以授冠者冠者奠觶于薦西興受却左手執本坐右絕末以祭上左手齊之興以授贊冠者加于組冠者坐悅手取觶以柶祭醴加柶于觶面菜興神位跪啐醴建柶興降筵西南面跪奠觶再拜執觶興賓荅拜賓主俱坐冠者升進跪奠觶于薦東進北面跪取脯降自西階入

見毋進奠脯于席前退再拜以出冠者毋不在則使人受脯于西階下初冕者入見毋賓主俱興賓降當西序東面立主人降當東序西面立冠者既見毋出立于西階之東南面賓少進字之日禮儀既備令月吉日昭告命字爰字孔嘉髦士攸宜宜之于嘏永受保之伯某甫冠者曰甫雖不敏夙夜祇奉之賓出主人送于內門外主人西面謂賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親諸親拜之冠者荅拜冠者西面拜賓之贊



冠者答拜見諸尊于別室賓主既釋版改席訖與衆  
賓俱出次立于門西東面主人出門東西面主人揖  
賓賓報揖主人先入賓及衆賓從之至階一揖升答  
就坐後立定俱升坐會訖賓主俱興賓立于西階上  
東面主人立于東階上西面衆賓降立于西階下東  
面掌事者以幣篚升授主人于序端賓北面再拜主  
人進立于楹間南面賓進立于主人之右俱南面賓  
右受篚退復東面位主人還阼階上北面拜送賓降  
自西階從者訝受幣賓出主人送賓于大門外之東  
西面再拜賓退主人入孤子則諸父諸兄或賓冠之

日主人佯而迎賓拜揖讓如冠主冠于阼醴之及禮  
賓拜送如上儀明日見廟冠者朝服質明贊禮者引  
入廟南門中庭道西北面贊再拜訖引出



大唐開元禮卷第一百二十

四品五品庶子冠

將冠筮寶如嫡子之儀前二日主人戒賓及贊冠者  
先一日掌事者設次于大門外之右南向其日夙興  
贊者設洗于正寢阼階東南東西當東 南北以堂  
深壘水在洗東加勺冪篚在洗西南肆實巾一爵一  
于篚加冪席于東房內西牖下無房者張帷為之陳服于席

東領北上冕服青衣纁裳

四品綉冕服三章一章在衣米粉二章在裳黼黻元

冕衣裳刺黻一章

白紗中單青領標襍裾草帶鈎釧大

章刺黼一章

帶素帶紕其垂外以元內

黻繡冕山一章劔飾以雙綬



四日青綾三綠青白紅青純質長一丈四尺一百大  
十首廣七寸五品以黑綾二綠青紺純質長一丈  
二尺一百首廣六寸有小雙綾綾朱黻赤烏進賢冠  
長二尺六寸色同大綾而首半之

服絳紗單衣白紗中單皂領襦裙白裙襦亦彩草

帶鈎鯨假帶曲領方心絳紗蔽膝白黻黑烏劔雙綬

緇布冠服青衣素裳素鞞中單草帶大帶劔佩與緇  
冕服同鞞烏與進賢服同

緇纁櫛簪同箱在服南纁今用皂布方約有蒲筵三  
六寸屬帶于前兩隅

緇布純加席三元帛純又在南樽于房戶外之兩甌

元酒在西加勺冪設篚于樽東置二爵于加冪饌陳

于服北饌用少牢及腊三俎六豆牲體節折質  
加雜肺遵實脯棗之屬豆實菹醢之類

明賓贊至于主人大門外掌次者引次賓贊公服諸

行事者各服其服執樽壘篚者皆就位冕綉冕垂青  
珠四旒以

紺為纓色如其受青纁充  
耳角導元冕三旒餘同綉冕服進賢冠兩梁纓青綬

導緇布冠青組纓冠冕各一箱各一人執之待于西

階之西東面北上設主人之席于阼階上西面賓席

于西階上東面冠者席于房戶外之西南面房外謂  
尊東

主人公服立于阼階下當東序西面諸親公服非公

服者常服立于壘洗東南西面北上尊者停儻者公  
別室

服立于門內道東北面將冠者雙童髻玉導金飾綵

袴褶錦紳烏皮履立于房內南面主人贊冠者公服

立于房內戶東西面賓及贊冠者出次立于門西贊



冠者出次立于門西贊冠者少退俱東面北上僮者  
進于主人之左北面受命出立于門東西面曰敢請  
事賓曰某子有嘉禮命某執事賓者入告主人迎賓  
于大門外之東西面再拜賓答拜凡賓在外主拜揖  
入出皆贊禮相導  
主人揖贊冠者贊冠者報揖主人又揖賓賓報揖主  
人入賓及贊冠者次入及門內主人揖賓賓報揖主  
人與賓入贊冠者從之至內雷將曲揖賓報揖至階  
主人立于階東西面賓立于階西東面主人曰請吾  
子升賓曰某備將事敢辭主人曰固請吾子升賓曰  
某敢固辭主人曰終請吾子升賓曰某敢終辭主人

升自阼階立于席東西向賓升自西階立于席東西  
贊冠者及筵盥洗升自西階入于東房立于主人贊  
冠者之南俱西面主人贊冠者取纒櫛簪箱跪奠于  
冠者筵東端興席東少北南面立賓揖將冠者賓主  
俱即席坐將冠者進升席南面坐賓之贊冠者進筵  
前北面跪脫雙童髻于箱櫛畢設纒興復位立賓主  
俱興賓降盥主人從降賓東面辭曰請吾子不降主  
人曰吾子降辱敢不從降賓至盥洗手訖詣西階  
賓主一揖一讓升主人立于席後西面賓立于西階賓  
一揖一讓升主人立于席後西面賓立于西階上東



面執緇布冠者升賓降一等受之右執項左執前進  
將冠者筵前北向跪冠興復西階上席後東面立賓  
之贊冠者進賢者北面跪結纓興復位冠者興賓揖  
冠者適房賓主俱坐冠者着青衣素裳之服出房立  
于戶西南面賓主俱興賓揖冠者進立于席後  
南面賓降盥主人從降辭對如初賓盥手跪取爵于  
篚興洗訖西階賓主一揖一讓升主人立于席後西  
面賓詣酒樽所酌酒進冠者筵前北向立祝曰旨酒  
既清嘉薦亶時始加元服兄弟具來孝友時格永乃  
保之冠者筵西拜受爵賓從西階上東面答拜執饌

者薦遵豆于冠者筵前冠者升筵坐左執爵右取脯  
孺于醢祭于遵豆之間祭酒興筵末坐啐酒執爵興  
降筵西跪奠爵興賓答拜冠者升筵跪奠于薦東興  
立于筵西南向坐賓之贊冠者跪脫緇布冠置于箱  
櫛畢設纓興復位賓復位賓降二等受進賢冠右執  
項左執前進冠者筵前北向跪冠興復位賓之贊者  
者坐設簪結纓興復位冠者興賓揖冠者適房賓主  
俱坐冠者着絳紗服出房立于戶西南賓主俱興賓  
揖冠者進立于席後南面賓詣酒樽所取爵酌酒進  
冠者筵前北面立祝曰旨酒既清嘉薦伊脯乃申爾



服禮儀有敘祭此嘉爵承天之佑冠者筵西拜受爵  
賓復西階上東面荅拜執饌者薦豆冠者升筵坐左  
執爵右祭脯醢祭酒興筵末坐啐酒執爵興降筵西  
奠再拜執爵興賓荅拜冠者升筵坐奠于爵薦東興  
立于筵西南面執饌者徹薦爵賓揖冠者冠者進升  
席南面坐賓之贊冠者跪脫進賢冠置于箱櫛畢設  
纚興復位賓降三等受冕右執項左執前進冠者筵  
前北向跪興復位賓之贊冠者跪設簪結纓興復位  
冠者興賓揖冠者冠者適房賓主俱坐主人贊冠者  
徹櫛箱入于房冠者着冕服出房立于戶西南面賓

主俱興賓揖冠者冠者進立于席後南面賓詣酒樽  
所取爵酌酒進冠者筵前北面立祝曰旨酒令芳籩  
豆有藪咸加介服者升折俎承天之慶壽福無疆冠  
者筵西拜受爵賓復位東面荅拜執饌者薦籩豆設  
俎于籩豆之南冠者升筵坐左執爵右祭脯醢贊冠  
者取脯一以授冠者冠者奠爵于薦西興受却左手  
執本坐右絕末以祭上左手齎之興于加俎冠者坐  
悅手執爵祭酒筵末坐啐酒興降筵西南面坐奠爵  
再拜執爵興賓荅拜冠者升筵坐奠爵于薦東興降  
席北面跪取脯降自西階入見毋進奠脯于席前退



再拜出冠者母不在則使人受脯于西階下初冠者  
入見母賓主俱興賓降當西序東面立主人降當東  
序西面立冠者既見母出立于西階之東南面賓少  
進字之曰禮儀既備令月吉日昭告尔字爰字孔嘉  
髦士攸宜宜之于嘏永受保之曰孟某甫仲叔季惟  
其所當冠者曰某雖不敏夙夜祇奉賓出主人送于  
內門外主人西面請賓曰吾子辱執事請禮從者賓  
曰某既得將事敢辭主人曰敢固以請賓曰某辭不  
得命敢不從賓就次主人入初賓出冠者東面見諸  
親拜之冠者荅拜冠者西南面拜賓之贊冠者贊冠

者荅拜訖見諸尊于別室賓主既釋服改席訖賓與  
衆賓俱出次立于門西東面主人出門東西面主人  
揖賓賓報揖主人先入賓及衆賓之至階讓升各就  
位復立定俱坐會訖賓主俱立于西階之東面主人  
立于東階上西面衆賓降立于西階下東面掌事者  
以幣篚升授主人于序端賓北面再拜主人進立于  
楹間南面賓進立于主人之右俱南面賓受篚退復  
東面位主人還阼階上北面拜送賓自西階從者訝  
受幣賓出主人送于大門外之東西面再拜賓退主  
人入 孤子則諸父諸兄或賓冠之曰主人髻而迎



賓拜揖讓如冠主冠醮禮賓拜送皆如上儀 明日  
見廟冠者朝服質明贊禮者引入廟南門道西中庭  
北面贊再拜訖引出

大唐開元禮卷第一百二十

大唐開元禮卷第一百二十一

嘉禮

六品以下嫡子冠

將冠筮于正寢之堂

若有廟者於廟門外主人謂將如五品以上之儀也

兄父公服立堂上楹間近東西面掌事者立于楹間

近東西面北上布筮席于主人之西西面筮者開韜  
出策兼執之東面受命于主人主人曰為嫡子某某  
日加冠庶幾從之筮者曰諾進就筮席西面以韜擊  
策遂述曰假爾大筮有常某為嫡子某日加冠庶幾  
從之乃釋韜坐筮記興降席東面稱占曰從筮者退



若不告則筮遠日如初儀贊禮者進主人之左告禮  
畢掌事者徹筮席前三日筮賓如求日之儀筮賓筮其可使

冠子前二日主人或賓及贊冠者主人至賓大門外

掌次者引之次主人公服出次立于門外之西東面

賓公服立于阼階下西面儻者公服進於賓之左北

面受命出出于門東西面曰敢請事主人曰某之子

某將冠請某子教之相稱各隨官爵儻者入告賓出立于門

東西面再拜主人答拜主人曰某之子某將加冠頂

吾子教之賓曰某不敏恐不能供事以辱于吾子敢

辭主人曰某猶領吾子教之賓曰吾子重有命某敢

從主人再拜賓答拜主人還賓拜送主人戒贊冠者

亦如之亦通使子弟戒之前一日掌事者設次于大門之外

右南向某日夙興贊者設洗于正寢阼階東南東西

當東策南北以堂深墨水在洗東加勺冪筮在西洗

南肆實中一爵一於篚加冪席于東房內西牖下無房

者張惟陳服于席東領北上爵弁服青衣纁裳白紗

中單青領標襪裾草帶鈎鞞大帶練帶純其垂內外以緇細約用青紐

爵鞞白鞞赤履庶人介憤絳公服方心進賢冠服絳

紗中單衣白紗中單衣白紗單皂領標襪裾白裙褙

亦裙草帶鈎假解帶曲領方心絳紗蔽膝八品領草帶機履



緇布冠服青衣素裳素鞞中單草帶與爵弁同鞞履與進賢冠服同庶人帶鞞履

與介情服同去鞞緇纒櫛簪同箱在服南纒今用皂巾方六寸屬帶于前兩隅

蒲筵四緇布純又在南側樽甒醴在服北加勺籩設

籩在樽北實角鮮角柶各一加籩陳饌於籩北角柶

之狀如餅用時一俎二豆二牲醴節折加離肺籩實脯棗豆實設洗于東房近北

盥水在洗西籩在洗東北肆實以巾質明賓贊立於

主人大門外掌次者引之賓者公服諸行事者各服

其服無者常服執樽盥籩者皆就位爵弁去纒導庶人則

進賢冠一梁纒青綾導庶人則緇布冠青組纒冠弁

各一箱各一人執之待于西階之西東面北上設主

人之席于阼階上西面賓席于西階上東面冠者席

于主人東北西面主人公服立于阼階下當東席西

面親公服非公服者常服立于盥洗東南西面北上

導者停儻者公服立于門內道東北面將冠者雙童

髻空頂幘導絲袴褶錦紳烏皮履立于房內南面主

人之贊冠者公服立于房內戶東西面賓及贊冠者

出次立于門西贊冠者夕退俱東面北上儻者進于

主人之左北面受命出立於門東西面曰敢請事賓

曰某子有嘉禮命其執事儻者入告主人迎賓于大

門外之東西面再拜賓荅拜凡賓主拜揖入出皆贊禮者相導主人



揖贊冠者冠者報揖主人又揖賓報揖主人入賓及贊冠者次入及內門主人揖賓賓報揖主人與賓入贊冠者從之至內雷將曲揖賓報揖主人立于階東西面賓立于階西東面主人曰請吾子升賓曰某備將事敢辭主人曰固請吾子升賓曰某敢固辭主人曰終請吾子升賓曰某敢降終辭主人升自阼階立于席東西向賓升自西階立于席西東向贊冠者及庭盥于洗升自西階入于東房立于主人贊冠者之南俱西面主人贊冠者引將冠者出立于房戶外之西南面賓之贊冠者取纚櫛簪箱跪奠於冠者

筵南端與席北少東西面立賓揖將冠者賓主俱即席坐將冠者進升席西面坐賓之贊冠者進筵前東面跪脫雙童髻置于箱櫛畢設纚與復位立賓主俱與賓降盥主人從賓降東面辭曰請吾子不降主人曰吾子降辱敢不從降賓至盥洗手訖詣西階賓東面揖一讓升主人立于席後西面賓立于西階上東面執緇布冠者升賓降一等受之右執項左執前進將冠者筵前東向立祝曰今日吉日昭告加元服棄余幼志順爾成德壽考維祺介爾景福乃跪冠與復西階上席後東面立賓之贊冠者進筵前東面跪



結纓與復位冠者與賓揖冠者冠者適房賓主俱坐  
冠者着青衣素裳之服出房戶西南面立賓主俱興  
賓揖冠者冠者進升于席西向坐賓之贊冠者跪脫  
緇布冠置于箱櫛畢設纓與復位賓降二等受進賢  
冠庶人則右執項左執前進冠者筵前東向立祝曰  
吉月令辰乃申爾服敬爾威儀淑慎爾德眉壽萬年  
永受遐福乃跪冠與復位賓之贊冠者跪設簪結纓  
與復位冠者與賓揖冠者冠者適房賓主俱坐冠者  
着絳紗服庶人則白出自房戶西南面立賓主俱興  
賓揖冠者進升席西向坐賓之贊冠者跪脫進賢冠

庶人則脫置于箱櫛畢設纓與復位賓降三等受爵  
弁冠庶人則右執項左執前進冠者筵前東向立祝  
曰以歲之正以月之令咸加爾服兄弟其在以成厥  
德黃者無疆受天之慶乃跪冠與復位賓之贊冠者  
跪設結簪纓與復位冠者與賓揖冠者冠者適房賓  
主俱坐主人贊冠者徹纓櫛簪箱及筵入于房又筵  
于室戶西南向冠者着爵弁之服庶人則出房戶西  
南面立賓主俱興主人贊冠者盥水洗解于房醴酌  
加柶面覆之面蒸出房南面立賓揖冠者就筵西南  
面立賓進受醴于室戶東柶柄進冠者前北面立祝



曰甘醴維厚嘉薦令芳拜受祭之以定爾祥承天之  
休壽考不忘冠者筵西拜受解賓復西階上東面答  
拜執饌者奉饌薦于冠者筵前冠者升筵坐左執解  
右取脯擣於醴祭于籩豆之間贊冠者取肺一以授  
冠者奠解于薦西興受却左手執本坐右絕末以祭  
上左手齊之興以授贊冠者加于俎冠者坐悅手取  
解承柶祭醴加柶于解面菜興筵末跪啐醴建柶興  
降筵西南面跪奠解再拜執解興賓答拜賓主俱坐  
冠者升筵跪奠解于薦東興進北面跪進醢降自西  
階入見毋進奠脯于薦前退再拜以出冠者毋不在

則使人受脯于西階下初冠者入見毋賓主俱興賓  
降當西序東面立冠者既見毋出立于西階之東南  
面賓少進字之曰禮儀既備令月吉日昭告爾字爰  
字孔嘉髦士攸宜宜之于嘏永受保之曰伯某甫冠  
者曰某雖不敏夙夜祗奉賓出主人送于內門外主  
人西面請賓曰吾子辱執事請禮從者賓曰某既得  
將事敢辭主大曰敢固以請賓曰某辭不得命敢不  
從賓就次主人入初賓出冠者東面見諸親拜之冠  
者答拜冠者西面拜賓之贊冠者贊冠者答拜訖見  
詣尊于別室賓主既釋服改席訖賓與衆賓俱出次



立於門西東西主人出門東西面主人揖賓賓報揖  
主人先入賓及眾賓從之至階一讓升各就坐後立  
定俱升坐會訖賓主俱興賓主于西階上東面主人  
主于東階上西面眾賓降主于西階下東面掌事者  
以幣篚升授主人于序端賓北面再拜主人進立于  
楹間南面賓進立于主人之右俱南面賓受篚退復  
東面位主人還阼階上北面拜送賓贊降自西階從  
者訝受幣賓出主人送賓于大門外之東西面再拜  
賓退主人入孤子則諸父諸兄戒賓冠之曰主人介  
而迎賓拜揖讓如冠主冠于阼醴之反禮賓拜送皆

如上儀明日見祖禰于正寢冠者公服庶人則常服質明  
設几筵正寢贊禮者引入至庭北面再拜訖引出廟有  
者見五品以上子孫九品以上子冠假用出身品服  
于廟其三品以上大功以上親五品以上周以上親冠同  
八品九品服



大唐開元禮卷第一百二十二

嘉禮

六品以下庶子冠

將冠筮日賓如嫡子之儀前二日主人或賓及贊冠者前一日掌事者設次于大門外之右南向其日夙興贊者設洗于正寢阼階東南東西當東榮南北以堂深盪水在洗東加勺篋篋在洗西南肆實巾一爵一於篋加篋席于東房內西牖下無房者張陳服于席東領北上爵弁服青衣纁裳白紗中單青領標襪裾草帶鈎鞞大帶練帶純其垂內外爵鞞白韞赤履



庶人介情服降公服方心進賢冠服絳紗單白衣紗

草帶鈎鯨解帶襪履也

中單皂領標襪裙白裙襦亦裙草帶鈎鯨假帶曲領

方心絳紗蔽膝八品九品去中白鞞黑烏八品以下

黑介情服白襪襦縹布冠服青衣素裳素鞞中單草

青領草帶履與爵弁服同義履與進賢冠服同縹縹櫛簪同箱在

庶人帶鞞履與介情服同去鞞同縹縹櫛簪同箱在

服南屬帶于前兩偶也蒲筵三縹布純又在南樽

于房戶外之西甒醴元酒在西加勺冪設篚樽東置

二爵于篚加冪饌特牲一俎二籩二豆在服北牲醴

加雜肺籩實脯棗質明賓贊至于主人大門外掌次

豆實益醢之類者引之次賓贊公服諸行事者各服其服無者執樽

墨篚者皆純位爵升元纓導庶人則進賢冠一梁纓

青綾導庶人則縹布冠青組纓冠升各箱各一人執

之待于西階之西東面北上設主人之席于阼階上

西面賓席于西階上東面冠者席于房戶外之西南

面房外謂主人公服立于阼階下當東序西面諸親

公服者常服立于墨洗東南西面北上尊者停賓者

公服立于門內道東北面將冠者雙童髻室頂情尊

綵袴褶錦紳烏皮履立于房內戶東南主人贊冠者

公服立于房內戶東西面賓及贊冠者出次立于門

西贊冠者少退俱東面北上賓者進于主人之左北



面受命出立于門東西面曰敢請事賓曰某子有嘉禮命某執事儻者入告主人迎賓于大門外之東西

面再拜賓荅拜

凡賓主拜揖入出皆贊禮者相導

主人揖贊冠者贊

冠者報揖主人入賓及贊冠者次入及內門主人揖賓賓報揖主人與賓入贊冠者從之至內雷將曲揖主人曰請吾子升賓曰某備將事敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階立于席東西向賓升自西階立于席西東向贊冠者及庭盥于洗升自西階入于

東房立于主人贊冠者之南俱西南賓之贊冠者取纓櫛簪箱跪奠于冠者筵東端興席東少北南面立賓揖將冠者賓主俱即席坐將冠者進升席南面坐賓之贊冠者進筵前北面跪脫雙童髻置于箱櫛畢設纓興復位賓主俱興賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立于席後西面賓立于西階上東面執緇布冠者升賓降一等受之右執前進將冠者筵前北向跪冠興復西階上席後東面立賓之贊冠者進筵前北面跪結纓興復



位冠者與賓揖冠者冠者適房賓主俱坐冠者著青衣素裳之服出房立于戶西南面賓主俱與賓揖冠者冠進主于席復南面賓降盥主人從降辭對如初賓盥手跪取爵于篚興洗訖詣西階賓主一揖一讓升主人立于席後西面賓詣酒樽所酌酒進冠者筵前北向立祝曰旨酒既清嘉薦亶時始加元服兄弟具來友孝時格永乃保之冠者筵西拜受爵賓復西階上東面荅拜執饌者薦籩豆于冠者筵前冠者升筵坐左執爵右取脯擣于醢祭于籩豆之間祭酒興筵末坐啐酒執爵興降筵西跪奠爵再拜執爵興賓

荅拜冠者升筵跪奠爵于薦東興立于筵西南面執饌者徹薦爵賓揖冠者冠者進升筵南向坐賓之贊冠者跪脫緇布冠置于箱櫛畢設纒興復位賓降二等受進賢冠庶人則黑有幘左執項左執前進冠者筵前北向跪冠興復位賓之贊冠者坐設簪結纓復位冠者興賓揖冠者冠者適房賓主俱坐冠者簪絳紗服庶人則白裾出房立于戶西南面賓詣酒樽所取爵酌酒進冠者筵前北向立祝曰旨酒既清嘉薦既脯乃申爾服禮儀有序祭此嘉爵承天之祐冠者筵西拜受爵賓復西階上東面荅拜執饌者薦豆冠者升筵坐



左執爵右祭脯醢祭酒興筵來坐啐酒執爵興降筵  
西跪奠爵于薦東興立于筵西南面執饌者徹薦爵  
賓揖冠者冠者進升席南面坐賓之贊冠者跪脫進賢冠  
庶人則脫置于箱櫛畢設纒興復位賓降三等受爵  
庶人則弁介則右執項左執前進冠者筵前北向跪冠興  
復位賓之贊冠者坐設簪結纒興復位冠者興賓揖  
冠者冠者適房賓主俱坐主人贊冠者徹櫛箱入于  
房冠者着爵弁之服庶人則出房立于戶西南面賓  
主俱興賓揖冠者冠者進主于席後南面賓詣樽所取爵  
酌酒進冠者筵前北向立祝曰旨酒令芳籩豆有楚

咸加爾服着升折俎承天之慶受福無彊冠者筵西  
拜受爵賓復位東面答拜執饌者薦籩豆設俎籩豆  
之南冠者升筵坐左執爵右祭脯醢贊冠者取肺一  
以授冠者冠者奠爵于薦西興受却左手執本坐右  
絕棗以祭上左手齊之興加于俎冠者坐悅于執爵  
祭酒興筵末坐啐酒興降筵西南面坐奠爵再拜執  
爵興賓答拜冠者升筵坐奠爵于薦東興降席北面  
跪取脯降自西階入見母進奠脯於席前退再拜以  
出冠母不在則使人受脯于西階下初冠者入見母  
賓主俱興賓降當西序東面立主人降當東序西面



立冠者既見母出立于西階之東南面賓少進字曰  
曰禮儀既備令月吉日昭告尔字爰字孔嘉見士攸  
宜宜之于嘏永受保之日孟某甫仲叔季唯其所當  
冠者曰某雖不敏夙夜祇奉賓出主人送于內門外  
主人西面請賓曰吾子辱執事請禮從者賓曰某既  
得將事敢辭主人曰敢固以請賓曰某辭不得命敢  
不從賓就次主人入初賓出冠者東面見諸親諸親  
拜之冠者荅拜冠者西面拜賓之贊冠者贊冠者荅  
拜訖見諸尊于別室賓主既釋服改席訖賓與衆賓  
俱出次立于門西東面主人出立于門東西面主人

揖賓賓報揖主人先入賓及衆賓從之至階一讓升  
各就坐後立定俱坐會訖賓主俱興賓立于西階上  
東面主人立于東階上西面衆賓降立于西階下東  
面掌事者以幣篚升授主人于序端北賓北面再拜  
主人進立于楹間南面賓進立于主人之右俱南面  
賓受篚退復東面位主人還阼階上北面拜送賓降  
自西階從者訝受幣賓出主人送賓于大門外之東  
西面再拜賓退主人入孤子則請諸父諸兄戒賓冠  
之日主人紛而近賓拜揖讓如冠主冠醮禮者賓拜  
送皆如上儀明日見祖禰于正寢冠者公服庶人則常服



質明設几筵其于正寢贊禮者引入至庭北面再拜  
訖引出有廟者見于廟五品以上子孫九品以上子冠假用  
出身品服其三品已上大功已上親五品已上期已  
上親冠同八品九品服

大唐開元禮卷第一百二十二

大唐開元禮卷第一百二十三

嘉禮

三品已上婚

納采 問名 納吉 納徵 請期

親迎 見舅姑 盥饋 婚會 婦人禮會

饗丈夫送者 饗婦人送者

納采

婚禮先使媒氏通書女氏許之乃致納采之禮 前  
一日主人設賓次于大門外道右南向以後納吉內  
徵請期親迎設次皆如之 其日大昕使者至女



氏大門外掌次者延入次主人公服受其禮于廟無  
者于正寢者于掌事者布神席于室戶外之西右凡使者公服  
出次立于大門外之西東面主人立于東階下西面  
儻者立于主人之左北面受命出立于門東西面曰  
敢請事賓曰吾子有命其婿名其有先  
人之禮使某也請納采上某壻父名儻者入告主人  
曰某子蠢愚又弗教吾子命之某不敢辭儻者出告  
掌畜者以鴈授賓退立于後賓左手執之主人迎于  
大門外之東西面再拜賓不荅拜拜主人揖賓以入賓  
從入主人入門而右賓入門而左至于次門主人又

揖入至內雷將曲揖當階主人曰請吾子升賓曰某  
敢辭主人曰固請吾子升賓曰某敢固辭主人曰終  
請吾子升賓曰某敢終辭主人升東階當阿西面賓  
升西階當阿東面賓曰敢納采阿者棟也主人阼階上北  
面再拜進立于楹間南面賓進立于主人之西俱南  
賓授鴈降自西階以出

問名

納采禮畢賓既降立于內門外之西東面初賓降主  
人還阼階東左右受鴈于序端主人降立于阼階下  
西面儻者進授命出請事賓曰某既受命請加諸卜



敢請女為誰氏儻者入告主人曰吾子有命且以備  
而擇之某不敢辭儻者出告掌畜者以鴈授賓退  
立于後主人迎于內門外之東西面揖賓以入主人  
入門而右賓入門而左三揖至階三讓如初主人升  
阼階當阿西面賓升西階當阿東面曰敢問名主人  
于阼階上北面再拜進立于楹間南面賓進立于主  
人之西俱南面賓授鴈還立西階上東面主人還阼  
階上西曰某第某女某氏出賓出立于內門外之西  
東面主人退位于阼階東左右受鴈于序端主人降  
立于阼階下西面儻者進受命出請事賓曰禮畢儻

者入告主人曰吾子為事故至于某之室某有先人  
之禮請禮從者儻者出告賓曰某既得將事敢辭儻  
者入告主人曰先人之禮敢固以請儻者出告賓曰  
某辭不得命敢不從儻者入告主人升立于序端掌  
事者撤几改筵莞筵紛純加藻席饋純一品二品形  
几三品形几主人設神席亦准此  
設饔醴于東房內西牖下加勺冪坩在樽北實解一  
角柶一加冪藎豆在坩北實脯醢設洗于東房近北  
盥水在洗西篚在洗東北肆設訖主人降迎賓於內  
門外之東西面主人揖賓賓報主人入賓從入二揖  
至階三讓如初升主人于阼階上北面再拜賓于西



階正北面答拜主人受几于序端掌事者以拂几三奉兩端西北面向外揖几三振袂內親之近西北向使者迎受于筵前東南向以俟主人還阼階上北面拜送賓以几筵北面坐設于坐左興退于西階上北面答拜立于西階東南贊者盥手洗觶酌醴加柶于觶覆之面慕出房南面立主人受醴面柶進筵前北面立賓西階上北面一拜進筵前東南面受醴復西階上位主人還于階上北面一拜送贊者薦脯醴於筵前賓進升筵坐左執觶右取脯濡於醴祭于籩豆之間以柶祭醴三始扱一祭又扱再祭興以柶秉諸

觶上藹降筵于西階上北面坐啐醴建柶奠觶遂拜執觶興主人答拜賓進升筵坐奠觶于籩豆之東賓退立于西階上東西掌事者奉篚幣升自東階主人受于序端進西面立賓西階北面再拜主人進楹間南面立賓進立于主人之西俱南面主人以幣篚授賓受退立于西階上東面主人還東階上北面拜送席降自西階從者訝受幣賓出大門外之西東面立主人降出門東西面拜送賓退主人入立于東階下西面賓者告于主人曰賓不顧矣主人乃還于寢于使者歸主人壻之父公服立于阼階下西面使者入



告立于主人之左北面曰某既得將事敢告主人曰  
聞命使者退主人入以下復命

納吉

其日大昕使者至女氏大門外掌事者延入次掌事  
者設几筵如初使者出次立于主人大門外之西東  
面主人立于阼階下西面賓者進受命出請事賓曰  
吾子有脫命某加諸卜詰日吉使某也敢告某壻父  
名賓者入告主人曰某之子不教唯恐弗堪吾子有  
告某預在焉某不敢辭賓者出告掌畜者以鴈授使  
者退立于後主人迎拜如常主人揖賓以入賓從入

主人入門而右賓入門而左至于次門主人揖入二  
揖至階三讓如初主人升阼階上西面賓升西階上  
東面曰敢納吉主人北面再拜進立于楹間南面賓  
進立于主人之西俱南面賓授鴈降自西階出立于  
次門外之西東面初使者降主人還阼階東左右授  
鴈于序端主人降立于阼階下西面賓者進受命出  
請事使者曰禮畢其禮賓如問名之儀

納徵

其日大昕賓至女氏大門外掌事者延就次賓之掌  
事者入布幕于主人次門之外立纁東陳于幕上乘



馬陳於冪南北首西上主人掌事者設几筵如初其

二維東元三足

陳設訖使者出次立于主人大門外

之西東面主全于阼階下西面賓者受進命出請事  
賓曰吾子有嘉命既室某也某有先人之禮束帛乘  
馬使某也請納徵賓者入告主人曰吾子順先典既  
某以重禮某敢不承命賓者出告主人迎拜如常主  
人揖賓以入賓從入主人入門而右賓入門而左至  
次門主人立于門東西面賓立接西塾東面掌事者  
坐取元纁興以授賓賓報主人揖賓以入執馬者從  
入陳于庭三公庭一在南北首西上主人二揖至階

三讓如初主人升阼階當阿西面賓升西階當阿東  
曰敢納徵主人于阼階上北面再拜進立于楹間南  
面賓進立于主人之西南面授束帛受馬者自右受  
之以束授之執馬者自前西面出賓初授束帛降出  
次門外之西東面主人還阼階東左右受束帛于序  
端主人降立于階下西面賓者進受命出請事賓曰  
禮畢其禮賓如問名之儀

### 請期

其日大昕使者至于女氏大門外掌事者延入次又  
掌事者設几筵如初使者出次立于主人大門外之



西東面主人立于阼階下西面賓者進受命出請事  
曰吾子有賜某既申受命惟是三族之不虞使某也  
請吉日賓者入告主人曰既受前命矣惟命是聽賓  
者出告賓曰某聽命于吾子某壻者入告主人曰  
某固唯命是聽賓者出告賓曰某使其受命于吾子  
吾子不許某敢不告期日曰某某吉日賓者入主人  
曰某敢不敬須賓者出告掌畜者以雁授使者退立  
于後主人迎拜如常主人揖賓以入賓從入主人入  
門而右賓入門而左二揖至階三讓而升主人升阼  
階當阿西面賓升西階當阿東面曰敢告期主人阼

階上北面再拜進立于楹間南面賓進立于主人之  
西俱南面賓授薦降出立于次門外之西東面主人  
還阼階東左右受鴈于序端主人降立于阼階下西  
面賓者進受命出請事賓曰禮畢其禮賓如納徵之  
儀

親迎

某日大昕壻之父女之父各服其服告于禰廟以酒  
者一獻無廟將行父醮子于正寢替者布廟于東序  
告于正寢者告于正寢又設席于戶牖之間南向父公服坐于東序西  
向子服其上服一品衮冕二品毳冕三品毳冕四品



服升自西階進立于席西南向贊者酌酒進北面以授子子再拜受爵贊者薦脯醢于席前脯醢出子升自房也席跪左執爵右取脯孺于醢祭于籩豆之間右祭酒執爵興降西面南跪卒爵奠爵再拜興贊者受虛爵還樽所子進立于父席前東面父命之日往迎爾相承我宗事勗率以敬先妣之嗣若則有常庶人但云往迎爾相以敬子再拜曰不敢忘命又再拜降出初婚設洗於阼階東南面當東雷南北以堂深盪水在洗東加勺冪筐在洗西南肆實爵二巾二加冪設婦洗于東房近北盪水在洗西加勺冪筐在洗東北肆實以巾加

冪陳饌於東房內西牖下

牲用少牢及腊三俎二簋二登豆數一品十六

二品十四三

壻及婦共牢婦之簋簋及豆登之數各

視其夫

牲醴皆節折簋實稷黍簋實稻粱登實以羹豆實醢醬菹菹之類

簋簋豆登

加蓋俎加冪樽于室中北牖下元酒在西加冪勺南

柄又設樽于房內之東加冪勺無元酒筐在南實四

爵合盞加冪

夫婦酌于內樽四爵主人乘草輅備儀兩凡六夫婦各三醕

主人乘草輅備儀

仗從者公服乘車以從婦車及從車各准其夫至于

婦氏大門外掌次者延入次贊者布席于室戶外之

西面上凡右又布席于戶內南向設醴樽于房戶內

東壁下加勺冪坫在北實觶一角柶一于坫加冪籩



一豆一又在西北女各准其夫服花釵翟衣一品花釵九樹

翟九等二品花釵八樹翟八入於房即席南向五姆等三品花釵七樹翟七等

服禮衣在其右女從在其後父公服升自東階受于

戶外之東西南向贊者以觶酌醴加柶覆之面柄進

女席前北面女降席西南面再拜受觶以贊者為脯醢

于席前女拜席跪在執觶右取脯孺于醢祭于籩豆

之間遂以柶祭醴三始扱一祭又扱再祭興筵未跪

啐醴建日柶奠觶于主東降席西再拜訖升席南面

立內贊者徹薦觶主人降立于東階南面賓出次立

于門西東面增賓者進受命出立于門東西面曰敢

請事賓曰吾子有命以茲初婚某又使某將請承命

儻者入告主人曰某固敬具以須主人迎賓于大門

外之東西面再拜賓答拜主人揖賓賓報揖主人入

賓執雁從入至于寢門主人又揖至內雷將曲揖當

階揖至階主人曰請吾子升賓曰某敢辭主人曰固

請吾子升賓曰某敢固辭主人曰終請吾子升賓曰

某敢終辭主人升自阼階西面立賓升自西階進當

房戶北面跪奠鴈興再拜降出主人不降送于賓入

門毋出立于房戶之西南面于賓拜訖姆導女出于

母左父少進西面戒之必有正焉若衣若花命之曰



戒之敬之夙夜無違命母戒于西階上施衿結悅戒  
之日勉之敬之夙夜無違中悅佩庶母及門內施鞶申  
之以父母之命命之日敬恭聽宗父母之言夙夜無  
慤視鞶鞶鞶囊婦人鞶練所屬也女出至車壻授綏姆辭  
曰未敢不足與為禮婦乘以几如景壻馭輪三周  
馭者代之主人使具屬送之壻出乘車先婦車從而  
行于門外下車以俟婦至降車北面立壻南面揖婦  
以入及寢門又揖以入贊者徹樽罍酌元酒三注于  
樽女從者布席于奧東向西南隅為之奧若室內窄則席于堂主楹間東向設  
樽于室東主人導婦升自西階入于室即席東面立婦

人立于樽西南面壻盥于南洗女從者後之婦盥于  
北洗壻從者沃之贊者以饌入設醬于席前菹醢在  
其北俎三入設于豆東腊特于俎北贊者設黍于醬  
東稷稻粱在東設渚于醬南設對醬于東對醬婦贊也設之當  
俎菹醢在其南北上設黍于腊北其西稷稻粱設渚  
于醬北贊啟會却于簋簋南對簋簋于北發皆加匕  
箸壻從者布對席于饌東贊者西面告饌具主人揖  
婦節對席西面背坐贊者皆坐授匕箸各以菹孺于  
醢皆祭于豆間又皆祭祭黍贊者各取肺絕末以授  
皆祭贊者以肺加之俎凡祭與食皆贊者贊之贊者各移黍置



于席上投肺脊食以渚醬三飯卒食贊者二人俱洗爵于房酌于室內之樽詣戶西北面以醕主人主人及婦皆興再拜受爵贊者北面荅拜主人及婦皆坐祭酒贊者以肝從皆奠爵取肝振祭臠之贊者皆受實于俎豆各取爵皆飲訖執爵興贊者受爵主人及婦皆拜贊者以爵復于坫又以爵酌再醕主人及婦仍立受爵坐飲卒爵皆興贊者受爵復于坫三醕用盞如再醕主人及婦立于辱復贊者皆降東階洗爵升酌于戶外樽入戶北面俱奠爵興再拜皆坐取爵遂祭飲卒爵奠爵遂拜執爵興夫婦荅拜降奠爵于

篚主人出脫衣服于房婦退立樽南西面位贊者徹饌設于東房如初婦脫服于室衽于奧北趾衽臥主人入燭出婦從者餽夫之餘夫從者餽婦之餘贊者酌戶外樽醕之女從者待于戶外呼則聞

見舅姑

質明贊者見婦于舅姑立于寢門外贊者布舅席于東序西向布姑席于房戶外之西南向舅姑俱即席坐婦執筭棗栗筭竹器元表纁裏自門外入升自西階東面再拜進跪奠于舅席前舅撫之贊者進徹以東婦退復東面位又再拜降自西階受筭服服修婦從者執俟于階下升



進北面再拜進跪奠于姑席前姑舉之內贊者受以  
東婦退復北面位又再拜贊禮婦席于室戶西南面  
在姑席之側樽 醴于戶內東壁下加勺篚 籩豆各  
西少北 一實以脯醢在樽北設洗于東房近北盪水在洗西  
篚在洗東北肆篚實以解巾角 婦立于席西南面內  
贊者盥手洗解酌醴加柶面柶出房詣婦席前北面  
立婦進東面拜受退復位內贊者西階上北面拜送  
內贊者薦脯醢于席前婦升席坐左執解右取脯控  
于醢祭于籩豆之間以柶祭醴三始投一祭又扱再  
祭加柶于解面稟 興降席西東面坐啐醴建柶興拜

內贊者荅拜婦進升席跪奠解于豆東取脯降自西  
階以出授婦氏入于寢門外

盥饋

舅姑入於室婦盥饋贊者布席于室之奧舅姑共席  
坐俱東面南上贊者設樽于室內北牖下饌于房內  
牖下其饌如同牢牲醴皆左載于舅俎左 婦入升  
自西階入房以醬進設于舅姑席前其他饌從者設  
之皆加匕箸俱以南為上俎入各設于豆東訖贊者  
各授著舅姑各以菹孺于醬祭于籩豆之間又祭飯  
訖乃食三飯卒食婦人于戶盥手洗爵入室酌酒酌



舅進奠爵于舅席前少東西面再拜舅取爵婦出入  
房奠于篚又盥手洗爵酌酒酌姑如酌舅之禮設婦  
席于室內北牖下樽東南面婦徹饌設于席前如初  
西上婦親徹醬設之婦進西面再拜退升席南向坐  
將餞舅命易醬內贊者易之婦乃餞姑饌婦祭內贊  
者助之既祭乃食三飯卒食內贊者洗爵酌須酌姑  
降席西面再拜受爵升席坐祭飯訖執爵與降席東  
南面立內贊者受爵奠于姑婦進西面再拜受爵升  
席坐祭酒飲訖執爵與降席東南面立內贊者受爵  
奠于篚婦進西面再拜舅姑先降自西階婦降自阼

階凡席子婦舅不降而  
婦降自西階以出

### 婚會

其日主人至於賓大門外之西東面立賓立阼階下  
西面僮者進于賓之左北面受命出立于大門外之  
東西面曰敢請事主人曰某有嘉禮請某子有顧僮  
者入告遂引賓出大門外之東西面再拜主人答拜  
主人曰某有嘉禮請吾子有顧賓曰敢辭主人曰敢  
固請賓曰辭不得命不敢不從主人拜賓答拜主人  
還賓遂興諸親從之贊者預鋪賓席于堂上楹間近  
北南面設賓之宗室席位于賓席西南賓之異姓席



位于宗室之南又于西階下設異如席位席位皆重  
行東面以北為上設主人席位于阼階上西面設主  
人宗室席位于主人東北設異姓席位于宗室之北  
皆重行西面以南為上賓至立于主人大門外之西  
東面賓之宗室立于賓西南異姓立于宗室之南俱  
重行東面以北為上儻者引主人出立于大門外之  
東南面主人親 立于大門外之東重行西面以南  
為上立定主人西面再拜賓東面荅拜主人揖賓賓  
報揖儻引主人又儻者引賓以入諸親以次從入至  
內門主人諸親以次從入如常至階主人揖賓賓報

揖賓主及諸親以次升各立于席後其庭前者亦如  
之立定賓主及諸親俱坐執爵者酌酒升自東階酒  
升堂儻主及諸親皆起執爵者以酒授主人儻者引  
主人進詣賓席前西北面立賓自席西進東南向受  
爵儻者引主人退復位賓還席後賓主及諸親俱坐  
執爵者又以酒受主人及賓主諸親賓主俱祭而飲  
親親不祭而飯爵行一周食升堂賓主及諸親皆起  
掌食者以醢醬豆授主人儻者引主人進設于賓席  
前賓曰諸吾子無辱主人曰不敢忘禮儻者引主人  
復位執饌者以籩豆簋簠俎設于賓主席前又加



以少著執饌者以次設食訖賓主皆祭而食諸親不祭而食于賓祭主人曰疏食不足祭賓食三飯而止主人曰請吾子食賓更飯食畢遂進庶羞觴行如常食畢賓主及諸親俱興儻者各引賓主以下降出賓主及賓之請親皆復門外位主人諸親復門內位主人再拜送賓退儻者引主人入

### 婦人禮會

女賓乘車入至下車所內儻者引入主人迎送於閣內相稱之辭荅准其夫餘如丈夫之禮

### 饗丈夫送者

其日掌事者鋪賓席于堂上楹間近北南向又鋪主人席于阼階上西向又設衆賓之席于賓西南設從者席位于西階下重行北上賓立于主人門外之西俱重行東面以北為左立定儻者引主人出立于門東西面主人揖賓賓報揖儻者各引賓主以下入至階主人揖賓賓報揖賓主人以下俱升立于席後立定賓主以下俱坐遂進酒設食如婚會之儀會畢賓主以下俱興儻者引賓立于西階上東面主人掌事者奉束帛之篚升以授主人主人執篚西面立賓西階上北面再拜主人進立于楹間南面賓進立于主



人東面主人還東階上北面再拜送賓者引賓以下  
降自西階從者訝受幣在庭者以次出復門外位賓  
者引主人降自東門出門東西面拜送賓退主人入  
饗婦人送者  
內賓者引賓升主人迎送于閣內相稱之辭各准其  
夫酬以束帛如丈夫之禮

大唐開元禮卷第一百二十三

大唐開元禮卷第一百二十四

嘉禮

四品五品婚

納采 問名 納吉 納徵 請期

親迎 見舅姑 盥饋 婚會

饗丈夫送者 饗婦人送者

納采

婚禮先使媒氏通書女氏許之乃致納采之禮  
前一日主人設賓次于大門之外道右南向以後納吉  
納徵請期親迎設次皆如之 其日大昕使者至女



氏大門外掌次者延入次主人公服受其禮于廟無廟  
正者于寢掌事者布神席于室戶外之西右凡使者公服  
出次立于大門外之西東面主人立于東階下西面  
儻者立于主人之左北面受命出立于門東西面曰  
敢請事賓曰吾子有命某也吾子女父某有先  
某壻名  
人之禮使某也請納采上某壻父名儻者入告主人  
曰某之子蠢愚又弗教吾子命之某不敢辭儻者出  
告掌畜者以鴈授賓退立于後賓左手執之主人迎  
于大門外之東西面再拜賓不荅拜主人揖賓以入  
賓從入主人入門而右賓入門而左至于次門主人

又揖入至內雷將曲揖當階揖至階主人曰請吾子  
升賓曰某敢辭主人曰固請吾子升賓曰某敢固辭  
主人曰終請吾子升賓曰某敢終辭主人升東階當  
阿西面賓升西階當阿東面賓曰敢納采阿者棟也主人  
阼階上北面再拜進立楹間南面賓進立于主人之  
西俱南面賓授鴈降自西階以出

問名

納采禮畢賓既降立于內門外之西東面初賓降至  
人還阼階東左右授鴈于序端主人降立于阼階下  
西面儻者進授命出請事賓曰某既受命將加諸卜



敢請女為誰氏儻者入告主人曰吾子有命具以備  
教而擇之某不敢辭儻者出告掌畜者以鴈投賓退  
立于後主人迎于內門外之東西面揖賓以入主人  
入門而右賓入門而左二揖至階三讓如初主人升  
阼階當阿西面賓升西階當阿東面曰敢問名主人  
于阼階上北面再拜進立于楹間南面賓進立于主  
人之西俱南面賓授鴈還立西階上東面主人還阼  
階上西面曰某第某女某氏出賓出立于內門外之  
西東面主人退立于阼階東左右受鴈于序端主人  
降立于階下西面儻者進受命出請事賓曰禮畢儻

者入告主人曰吾子為事故至于某之室某有先人  
之禮請禮從者儻者出告賓曰某既得將事敢辭儻  
者入告主人曰先人之禮敢固以請儻者出告賓曰  
某辭不得命敢不從儻者入告主人升立于序端掌  
事者徹几改筵東上蒲筵緇布純加雀席元純設  
醴於東房內面牖下加勺冪篚在樽北實解一角枲  
一加冪籩豆在篚北實脯醢設洗於東房近北盪水  
在洗西篚在洗東北肆設訖主人降迎賓于內門外  
東西面主人揖賓賓報揖主人入賓從入二揖至階  
三讓如初升主人于阼階上北面再拜賓于西階上



北面答拜主人受几于序端掌事者內揖几立奉兩  
端西北向進主人東南向外拂几三振袂內執之進  
西北向使者迎受于筵前東南向以投主人還阼階  
上北面拜送賓以几筵北面坐設于坐左興退于西  
階上北面答拜立于西階東面贊者盥手洗解酌醴  
加柶于解覆之面慕出房南面立主人受醴面柄進  
筵前北面立賓西階上北面一拜進筵前東南面受  
醴復西階上位主人還阼階上北面一拜送贊者薦  
脯醢于筵前賓退升筵坐左執解右執脯孺于醢祭  
于籩豆之門以柶登醴三始極一祭又極再祭興以

柶兼諸解上攜降筵于西階上北面坐卒醴建柶奠  
解遂拜執解興主人答拜賓進升筵坐奠解于籩豆  
之東賓退立于西階上東面掌事者奉篚幣升自東  
階主人受于序端進西面立賓西階上北面再拜主  
人進楹間南面立賓進立于主人之西俱南面主人  
以幣篚授賓賓受退位于西階上東面主人還東階  
上北面拜送賓降自西階從者訝受幣賓出大門外  
之西東面立主人降出門東西面拜送賓退主人入  
立于東階下西面儻者告于主人曰賓不顧矣主人  
乃還于寢于使者歸主人塔之公服立于阼階下西



面使者入告立于主人之左北面曰某既得將事敢告主人曰聞命使者退主人入

以下復命准此

### 納吉

其日大昕使者至女氏大門外掌次者延入次掌事者設几筵如初使者出次立于主人大門外之西東面主人立于阼階下西面儻者進受命出請事賓曰吾子有既命某加諸卜占曰吉使某也敢告

某壻父名也使

其使儻者入告主人曰某之子不教唯恐不堪吾子

有告某預在焉某不敢辭儻者出告掌畜者以雁授使者退立于後主人迎拜如常主人揖賓以入賓從

入主人入門而右賓入門而左至于次門主人揖入二揖至階三讓如初主人升阼階上西面賓升西階上東面曰敢納吉主人北面拜進立于楹間南面儻者立于主人之西俱南面賓受鴈降自西階出立于次門外之西東面初使者降主人還阼階東左右受鴈于序端主人降立于阼階下西面儻者進受命出請事使者曰禮畢其禮賓如問名之儀

### 納徵

其日大昕賓至女氏大門外掌事者延就次賓之掌事者入布幕于主人次門之外元纁束陳于幕上兩



馬陳于冪南北首西上主人掌事者設几筵如初其元  
二纁束元三足纁陳設訖使者出次至于主人大門外  
之西東面主人立于阼階下西面僮者進受命出請  
事賓曰吾子有嘉命既室某也某有先人之禮束帛  
乘馬使某也請納徵僮者入告主人曰吾子順先典  
既某以重禮某敢不承命僮者出告主人迎拜如常  
主人揖賓以入賓從入主人入門而右賓入門而左  
至次門主人立于門東西面賓主接西塾東面掌事  
者坐取元纁與以授賓賓執主人揖賓以入執馬者  
從入陳于庭三分庭一在南北面西上主人二揖至

階三讓如初主人升阼階當阿西面賓升西階當阿  
東面曰敢納徵主人于阼階上北面再拜進立于楹  
間南面賓進立于主人之西南面授束帛受馬者自  
右受之以東賓之執馬者自前而出賓初授束帛降  
出次門外之西東面主人還阼階東左右受束帛于  
序端主人降立于階下西面僮者進受命出請事賓  
曰禮畢其禮賓如問名之儀

請期

其日大昕使者至于女氏大門外掌事者延入次又  
掌事者設几筵如初使者出次立于主人大門外之



西東面主人立于阼階下西面賓者進受命出請事  
賓曰吾子有賜某既申受命惟是三族之受虞使其  
也請吉日賓者入告主人曰既前受命矣唯命是聽  
賓者出告賓曰某聽命于吾子某壻者父名壻者入告主人  
曰某固唯命是聽賓者出告賓曰某使其受命于吾  
子吾子不許某敢不告期曰某某吉日賓者入告主  
人曰某敢不敬須賓者出告掌畜者以鴈授使者退  
立于後主人迎拜如常主人揖賓以入賓從入主人  
入門而右賓入門而左二揖至階三讓而升主人升  
阼階當阿西面賓升西階當阿東面曰敢告期主人

阼階上北面再拜進立于楹間南面賓進立于主人  
之西俱南面賓授鴈降出立于次門外之西東面主  
人還阼階東左右受鴈于序端主人立于阼階下西  
面賓者進受命出請事賓曰禮畢其禮賓如納徵之  
儀

### 親迎

其日大昕壻之父母女之父各服其服告於禰廟以酒脯告  
之一獻無廟將行父醮子于正寢贊者布席于東序  
者告于正寢寢又設席于戶牖之間南向又公服坐于東序西  
向子服其上服四品五品元冕升自西階進立于席西南



向贊者酌酒進北面以授子子再拜受爵贊者薦脯  
醢于席前脯醢出自房也子升席跪左執爵右取脯孺于醢  
祭于籩豆之間右祭酒執爵興降席西南面跪卒爵  
奠爵再拜執爵興贊者受虛爵還樽所子進立于父  
席前東面父命之曰往迎爾相承我宗事最率以敬  
先妣之嗣若則有常庶子但云往迎子再拜曰不敢爾相最率以敬  
忘命又再拜降出初婚設洗于阼階東南面當東雷  
南北以當深墨水在洗東加勺冪筐在洗西南肆實  
爵二巾一加冪設婦洗于東房近北墨水在洗西加  
勺冪筐在洗洗東北肆實以巾加冪陳饌于東房內西

牖下牲用少牢及腊三俎二簋二壻及婦共牢婦  
之簋簋豆登之數各視其夫牲醴皆節折簋實稷黍  
豆實醢醬羞豆實醢醬羞簋簋豆登加蓋俎加冪樽于室中北牖  
豆之類也

下元酒在西加勺冪南柄又設樽于房外之東加勺  
冪無元酒筐在南實四爵爵合盃加冪夫婦酌于內  
凡六夫婦主人乘木輅備儀仗主人謂壻五品非京  
各三醕官職事者乘青通憶積車從者公服乘車及從車各准其夫至于婦氏  
也大門外掌次者延入次贊者布席于室戶外之西西  
上右几又布席于房戶內南向設醴樽于房內東壁  
下加勺冪筐北實解一角柶一于筐加冪籩一豆一



又在筐北女各准其夫服花釵翟衣四品花釵六等翟五等入于房即席南尚立姆服耀衣其在右女從

者在其後父公服升自東階立于房內之東西面內贊者解以酌醴加柶覆之面柄進女席前北面女降席西南面再拜受解內贊者薦脯醢于席前女升席跪左執解右取脯擣于醢祭于籩豆之間遂以柶祭醴三始扱一祭又扱再祭興筵末跪啐醴建柶奠解于豆東降席西再拜訖升席南面立內贊者徹薦解主人降立于東階南面賓出次立于門西東面賓壻者進受命出立于門東西面曰敢請事賓曰吾子有

命以茲初婚某父使某將請承命賓者入告主人曰某固敬具以須主人迎賓于大門外之東西面再拜賓荅拜主人揖賓賓報揖主人入賓執鴈從入至于寢門主人又揖入至內雷將曲揖當階揖至階主人曰請吾子升賓曰某敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階西面立賓升自西階進當房戶北面跪奠鴈興再拜降出主人不降送于賓入門毋出立于房戶之西南面于賓拜訖姆導女于母左父少進西面戒之必有正焉若衣若花命之曰戒之敬之夙夜無



違命母戒于西階上施衿結悅戒之日勉之敬之夙  
夜無違悅佩庶母及門內施擊申之以父母之命命

之曰敬恭聽宗父母之言夙夜無慙視諸擊擊擊囊

絲所以盛女出至車壻授綏姆辭曰未教不足興為

禮婦乘以几加景壻馭輪三周馭者代之主人使其

屬送之壻出乘車先婦車從而行至于門外下車以

俟婦至降車北面立壻南面揖婦以入及寢門又揖

以入贊者徹樽冪酌元酒三注于樽女從者布席于

與東向西南隅謂之與若室內窄則席于主人導婦

升自西階入室即席東面立婦人立于樽西南面壻

盥於南洗女從者後之婦盥于北洗壻從者後之贊

者以饌入設醬于席前菹醢在其北俎三入設于豆

東腊特于俎北贊者設黍于醬東稷稻梁在東設渚

于醬南設對醬于東對醬婦醬也菹醢在其南北上

設黍于腊北其西稷稻梁設渚于醬北贊啟會却于

簋簋南對簋簋于北啟皆加匕箸壻從者布對席于

饌東贊者西面告饌具主人揖婦婦即對席西面皆

坐贊授匕箸各以菹孺于醢皆祭于豆間又皆祭黍

贊者各取肺絕末以授皆祭贊者以肺加于俎凡祭

皆贊者贊者皆移黍置于席上授肺脊皆食以渚醬



三飯卒食贊者二人俱洗爵于房酌于內室之樽詣  
戶西北面以醕主人及婦皆興拜受爵贊者北面答  
拜主人及婦皆坐祭酒贊者以肝從皆奠爵取肝振  
祭臍之贊者皆受實于俎豆各取爵飲訖執爵興贊  
者受爵主人及婦皆再拜贊者以爵復於筐又以爵  
酌酒再醕主人及婦仍立受爵坐飲卒爵皆興贊者  
受爵復于筐三醕皆盃如再醕主人及婦立于席後  
贊者皆降東階洗爵升酌于戶外樽入戶西北面俱  
奠爵興再拜皆坐取爵遂飲祭卒爵遂拜執爵興夫  
婦答拜降奠爵于筐主人出脫服于房戶退立樽西

南面位贊者徹饌設于東房如初婦脫服于室衽于  
奧北趾衽卧席主人入燭出婦從者餽夫之餘三贊者  
酌戶外樽酌之女從者待于戶外呼則聞

見舅姑

質明贊見婦於舅姑立于寢門外贊者布舅席于東  
序西向布姑席于房戶外之西南向舅姑俱即席坐  
婦執筭棗栗筭竹器元表纁裏自門外入升自西階東面再拜  
進跪奠于席前舅撫之贊者徹以東婦退復東面位  
又再拜自西階受筭服修服修婦從者執俟于階下升進北面再  
拜進跪奠于姑席前姑舉之內贊者受以東婦退復



北面位又再拜贊禮婦席于室戶西南面在姑席之西北

側樽既醴于房內東壁下加勺冪籩豆各一實以脯

醢在樽北設洗于東房近北盪水在洗西篚在洗東

北肆篚實以巾解角婦立于席西南面內贊者盥手

洗解酌醴加柶面柶出房詣婦席前北面立婦進東

面拜受退復位內贊者西階上北面拜送內贊者薦

脯醢于席前婦升席坐左執解右取脯孺于醢祭于

籩豆之間以柶祭醴三始扱一祭又扱再祭加柶於

解面慕興降席西面坐啐醴建柶興拜內贊者荅拜

婦進升席跪奠解于豆東取脯降以出授婦氏入於

寢門外

盥饋

舅姑入于室婦盥饋贊者布席于室之奧舅姑於席

坐俱東西南上贊者設樽于室內北牖下饌于房內

西牖下其饌如同牢牲醴皆節折右載之于姑俎也婦入升

自西階入房以醬進設于舅姑席爵其他饌從者設

之皆加匕箸俱以南為上俎入各設于豆東訖贊者

各授箸舅姑各以韭俎孺于醬祭于籩豆之間又祭

飯訖乃食三飯卒食婦入于房盥于洗爵入室酌酒

酌舅進奠爵于舅席前少東西面再拜舅取爵祭酒



飲之婦受爵出戶入房奠于篚又盥手洗爵酌酒酌  
姑如醕舅之禮設婦席于室內北牖下樽東南面婦  
徹饌設于席前如初西上婦親徹醬設之婦進西面  
再拜退升席南向坐將餽舅命易醬內贊者易之婦  
乃餽姑饌婦祭內贊者助之既祭乃食三飯卒食內  
贊者洗爵酌酒醕婦降席西面再拜受爵升席坐祭  
酒飲訖執爵興降席東南面立內贊者受爵奠于篚  
婦進西面再拜舅姑先降自西階婦降自阼階凡庶

舅不降而婦降  
自西階以出

### 婚會

其日主人至于賓大門外之西東面立賓立于阼階  
下西面儻者進于賓之左北面受命出立于大門外  
之東西面曰敢請事主人曰某有嘉禮請某子有顧  
儻者入告遂引出大門外之東西面再拜主人荅拜  
主人曰某有嘉禮請吾子有顧賓曰敢辭主人曰敢  
固請賓曰辭不得命敢不從主人拜賓荅拜主人還  
賓遂興諸親從之贊者預鋪賓席于堂上楹間近北  
南向設賓之宗室席位于賓席西南賓之異姓席位于  
宗室之南又于西階下設異姓之席位皆重行東向  
以北為上設主人席位于阼階上西面設主人宗室



席位于主人東北設異姓席位于宗室之北皆重行  
西面以南為上又設主人異姓席位于東階下重行  
西向以北為上賓至立于主人大門之外西東面賓  
之宗室立于賓西南異姓立于宗室之南俱重行東  
面以北為上僮者引主人出立于大門外之西東面  
主人諸親立于大門內之東重行西面以南為上立  
定主人西面再拜賓東面答拜主人揖賓賓報揖僮  
引主人又僮者引賓以入諸親以次從入至內門主  
人諸親以次從入如常至階主人揖賓賓報揖賓主  
及諸親以次升各如常立于席後其庭前者亦如之

立定賓主及諸親俱坐執爵者酌酒升自東階酒升  
堂賓主及諸親皆起執爵者以酒授主人僮者引主  
人進詣賓席前西北面立賓自席西進東南向受爵  
僮者引主人退復位賓還席後賓主及諸親俱坐執  
爵者又以酒授主人及賓主諸親賓主俱祭而飲諸  
親不祭而飲爵行一周食升堂賓主及諸親皆起掌  
食者以醢醬豆授主人進席設于賓席前賓曰請吾  
子無辱主人曰不敢忘禮僮者引主人復位執饌者  
以籩豆簋盞俎鉶設于賓主席前又加以匕箸執饌  
者以次設食訖賓主皆祭而食諸親不祭而食于賓



祭主人辭曰疏食不足祭賓食三餽而止主人曰請  
吾子食賓更飯食畢遂退庶羞觴行如常食畢賓主  
及諸親俱興儻者各引賓主以下降出賓主及賓之  
諸親皆復門外位主人諸親復門內位主人再拜送  
賓退儻者引主人入

婦人禮會

女賓乘車入至下車所內贊者引入主人迎送於閤  
內相稱之辭各准其夫餘如丈夫之禮

饗丈夫送者

其日掌事者鋪賓席于堂上楹間近北南面又鋪主

人席於阼階上西向又設衆賓之席于賓西南設從  
者席位于西階下重行北上賓立于主人內外之西  
俱重行東面以北為上立定儻者引主人立于門東  
西面主人揖賓賓報揖賓者各引賓至以下入至階  
主人揖賓賓報揖賓主以下俱升立于席後立定賓  
主以下俱坐遂進酒設食如婚會儀會畢賓主以下  
俱興儻者引賓立于西階上東面主人掌事者奉束  
帛之篚升以授主人主人執篚西面立賓西階上北  
面再拜主人進立于楹間南面賓進立于主人之西  
俱南面主人以篚幣授賓賓受退立于西階上東面



主人還東階上北面再拜送賓者引賓以下降自西階從者訝受幣在庭者以次出復門外位賓者引主人降自東階出門東西面拜送賓退主人入

饗婦人送者

內儻者引賓升主人迎送於閭內相稱之辭各准其夫酬以束帛如丈夫之禮

大唐開元禮卷第一百二十四

大唐開元禮卷第一百二十五

嘉禮

六品以下婚

納采 問名 納吉 納徵 請期

親迎 見舅姑 盥饋 饗丈夫送者

饗婦人送者

納采

婚禮先使媒氏通書女氏許之乃致納采之禮前一人主人設賓次于大門外道右南向以後納吉納徵請期親迎設次皆如之 其日大昕使者至女氏



大門外掌次者延入次主人公服受其禮于正寢廟有

者于掌事者布神席于室戶外之西右凡使者公服

不合公服出次立于大門外之西東面主人立于東

者並常服階下西面賓者立于主人之左北面受命出立于門

東西面曰敢請事賓曰吾子有命既室某也吾子壻

名某有先人之禮使某也請納采上某壻父名下賓

者入告主人曰某之子蠢愚又弗能教吾子命之某

不敢辭賓者出告掌畜者以鴈授賓退立于後左手

執之主人迎于大門外之東西面再拜賓不荅拜主

人揖賓以入賓從入主人入門而右賓入門而左至

於次門主人又揖入至內雷將曲揖至階主人曰請

吾子升賓曰某敢辭主人曰固請吾子升賓曰某敢

固辭主人曰終請吾子升賓曰某敢終辭主人升東

階當阿西面賓升西階當阿東面賓曰敢納采阿者

棟也主人阼階上北面再拜進立楹間南面賓筵立于主

人之西俱南面賓授鴈降自西階以出

問名

納采禮畢賓既降立于內門外之西東面初賓降主

人還阼階東左右受鴈於序端主人降立于阼階下

西面賓者進受命出請事賓曰某既受命將加諸卜



敢請女為誰氏儻者入告主人曰吾子有命且以備  
數而擇之某敢不辭儻者出告掌畜者以鴈授賓退  
立于後主人迎于內門外之東西面揖賓以入主人  
入門而右賓入門而左二揖至階三讓如初主人升  
阼階當阿西面賓升西階當阿東面曰敢問名主人  
于阼階上北面再拜進立于楹間南面賓進立于主  
人之西俱南面賓受鴈還立西階上東面主人還阼  
階上西面曰某第某女某氏出賓立于內門外之西  
東面主人退立于阼階東左右受鴈于序端主人降  
立于階下西面儻者進受命出請事賓曰禮畢儻者

入告主人曰吾子為事故至于某之室某有先人之  
禮請禮從者儻者出告賓曰某既得將事敢辭儻者  
入告主人曰先人之禮敢固以請儻者出告賓曰某  
辭不得命敢不從儻者入告主人升立于序端掌事  
者徹几改筵東上蒲筵緇布純漆几設甒醴于東  
房內西牖下加勺人設神席亦准此筵篚在樽北實解一角柶一加主筵  
籩豆在篚北實脯醢設洗于東房近北盥水在洗西  
篚在洗東北肆設訖主人降迎賓于內門外之東西  
面主人揖賓賓揖主人入賓從入二揖至階三讓如  
初升主人于阼階上北面再拜賓于西階上北面答



拜主人受几于序端掌事者內拂几三奉兩端西北  
向進主人東南向外拂几三振袂內執之進西北向  
使者迎受于筵前東南向以俟主人還阼階上北面  
拜送賓以几筵北面坐設于坐左興退于西階上北  
面答拜立于階西東面贊者盥手洗解酌醴加柶於  
解覆之面慕出房南面立主人受醴面柄筵前西北  
面立賓于西階上一拜進筵前東南面受醴復西階  
位主人還阼階上北面一拜送贊者薦脯醢于筵前  
賓進筵坐左執解右取脯擣于醢祭于籩豆之間以  
柶祭醴三始柶一祭又柶再祭興以柶兼諸解上獵

降筵於西階北面坐啐醴建柶奠解遂拜執解興主  
人答拜賓進升筵坐奠解于籩豆之東賓退立于西  
階上東面掌事者奉篚幣升自東階主人受于序端  
進西面立賓西階上北面再拜主人進楹間南面立  
賓進立于主人之西俱南面主人以幣篚授賓賓受  
退立于西階東面主人還東階上北面拜送賓降自  
西階從者訝受幣賓出大門外西東面立主人降趾  
門東西面拜送賓退主人入立于東階下西面儻者  
告于主人曰賓不顧矣主人乃還于寢于使者歸主  
人父之公服立于阼階下西面使者告入立于主人



之左北面曰某得將事敢告主人曰聞命使者退主人入以下復命准此

納吉

其日大昕使者至女氏大門外掌事延入次掌事者設几筵如初使者出次立于主人大門外之西東面主人立于阼階下西面儻者請受命出請事賓曰吾子有命既命某加諸卜占告使某也敢告某塔父名也使某使也儻者入告主人曰某之子不能教唯恐弗堪吾子有吉某預在焉某不敢辭儻者告掌畜者以鴈授使者退立于後主人迎拜如常主人揖賓以入賓獲入

主人入門而右賓入門而左至于次門主人揖入二揖至階三讓如初主人升阼階上西面賓升西階上東面曰敢納吉主人北面再拜進立于楹間南面賓進立于主人之西俱南面賓授鴈賓進立于主人之西俱南面賓授鴈賓進自西階出立于次門之西階東面初使告主人還阼階東左右受鴈于序端主人降立于阼階下西面儻者進受命出請事使者曰禮畢其禮賓如問名之儀

納徵

其日大昕賓至女氏大門外掌事者延就次賓之掌



事者入布幕于主人次門之外元纁束陳于幕上鹿皮二內攝之毛在內左手立于幕南北面西上主人掌事者設几筵如初其元纁束元三足束之其執皮右手並陳設訖使者出次立于主人大門外之西東面主人立于阼階下西面賓進受命出請事賓曰吾子有嘉命既室某也某有先人之禮束帛纁皮使某也請納徵儻者入告主人曰吾子順先典既某以重禮某敢不以命儻者出告主人迎拜如常主人揖賓以入賓從入主人入門而右賓入門而左至次門主人立于門東西面賓上接西塾東面掌事者坐取元

纁與授賓賓執主人揖賓以入執束帛皮者從入陳于庭三分庭一在南北面西上主人二揖至階三讓如初主人升拜階當阿西面賓升西階當阿東面曰敢納徵執皮者釋主人于阼階上北面再拜進立于楹間南面賓進立于主人之西俱南面授束帛受皮者自右受之以東賓之執皮者自前西面出賓初授束帛降出次門外之西東面主人還阼階東左右受束帛于序端主人降立于階下西面儻者進受命出請事賓曰禮畢其禮賓如問名之儀

請期



其日大昕使者至于女氏大門外掌事者延入次又掌事者設几筵如初出使者出次立于主人大門外之西東面主人立于阼階下西面賓者進受命出請事賓曰吾子有賜某既申受命惟是三族之不虞使某也請吉日賓者入告主人曰既前受命矣唯命是聽賓者出告賓曰某聽命于吾子某壻者入告主人曰某固惟命是聽賓者出告賓曰某使某受命于吾子吾子不許某敢不告期日曰某某吉日賓者入告主人曰某敢不敬須賓者出告掌畜者以鴈授使者退立于後主人迎拜如常主人揖賓以入賓從入

主人入門而右賓入門而左二揖至階三讓而升主人升阼階當阿西面賓升西階當阿東面曰敢告期主人阼階上北面再拜進立于楹間南面賓進立于主人之西俱南面賓授鴈降出次門外之西東面主人還阼階東左右受鴈于序端主人降立于阼階下西面賓者進受命出請事賓曰禮畢其禮賓如納徵之儀

### 親迎

其日大昕壻之父女之父各服其服告于禰廟正寢以酒脯告之一獻將行父醮子于正寢贊者布席于有廟者告于廟



東序西向又設席于戶牖之間南向父公服庶人常服以下

此坐于東序西向子服爵弁庶人降服也升自西階進立

于席西南向贊者酌酒進北面以授子子再拜受贊

者薦脯醢于席前脯醢出自房子升席跪左執爵右取脯

擣于醢祭於籩豆之間右祭酒執爵興降序西南面

跪卒爵奠爵再拜執爵興贊者受虛爵還樽所子進

立于父席前東面父命之曰往迎爾相承我宗事最

卒以敬先妣之嗣若則有常庶人子但云往迎子再爾相最卒以敬也

拜曰不敢忘命又再拜出初婚設洗于阼階東西面

當榮南北以堂深墨水在洗東加勺冪篚在洗西南

肆實爵二巾一加冪設婦洗于東房近北墨水在洗

西加勺冪篚在洗東北肆實以巾加冪陳饌于東房

內西牖下饌用牲特魚醕三壻及婦共牢婦之簋及

豆登之數各視其夫牲醢皆節折簋實以黍稷登實以秣豆實醢醬羞俎之類也

簋豆登皆加蓋俎加冪樽于室中北牖下元酒在西

加勺冪南柄又設樽行戶外之東加勺冪無元酒篚

在南實肆爵合盃加冪夫婦酌于內樽四爵兩主人凡六夫婦各三醕

乘青徧幘轎車主人謂從者公服乘車以從婦車及

從車路准其夫至于婦氏大門外掌次者延入次贊

者布席于室戶外之西面上右几又布席于戶外東



壁下加勺冪篚在北實解一自柶一于篚加冪遵豆  
一又在篚北女服花釵大袖之服庶人服花釵連裳入于房  
即席南向立姆在其右女從者在其後父公服升自  
阼階立于房戶外之東西面內贊者以解酌醴加柶  
覆之面柶進女席前北面女降席西南面再拜受解  
內贊者薦脯醢於席前女升席跪左執解右取脯搗  
于醢祭于遵豆之間遂以柶祭醴三始扱一祭又扱  
再祭興筵末跪啐醴建柶奠解于豆東降庶西再拜  
訖升席南向立內贊者徹薦解主人降立于東階南  
面賓出次立于門西東面賓者進受命出立于門

東西面曰敢請事賓曰吾子有命以茲初婚某父使  
某將請承命賓者入告主人曰某固敬其以頌主人  
迎賓于大門外之東西面再拜賓答拜主人揖賓賓  
報揖執鴈從入至于寢門主人又揖入至內雷將曲  
揖當階主人曰請吾子降賓曰某敢固辭主人曰終  
請吾子升賓曰某敢終辭主人升自西階進當房戶  
北面跪奠鴈興再拜降出主人不降送于賓入門出  
立于房戶入之西南面于賓拜訖姆導女出于母左  
父少進西面戒之必有正焉若花命之曰戒之敬之  
夙夜無違命母戒于西階上施衿結帨戒之曰勉之



敬之夙夜無違中佩庶母及門內施鞶申之以父母

之命之曰敬恭聽宗父母之言夙夜無怠視諸鞶鞶

裳婦人鞶絲所屬女出至車壻綬綏母辭曰未教不足

興為禮婦乘以几加景壻馭輪三周馭者代之主人

使其屬送之壻出乘車先婦車從而行至于門外下

車以俟婦至降車北面立壻南面揖婦以入及寢門

又揖以入贊者徹樽冪勺元酒三注樽女從者布席

于奧東面西南隅謂之奧若室內窄則席于室上極間東向設樽于室又東也主人導

婦升自西階入于室即席東面婦人立于樽西南壻

盥於南洗女從者浹之婦盥于北壻從者浹之贊者

以饌入設醬于席前菹醢在其北俎三設于豆東腊特

于俎北贊者設黍于醬東設渚于醬南設對醬于東

對醬婦贊設之當特俎也菹醢在其南北上設黍于腊北其西稷

設渚于醬北贊啟會却于簋簋南對簋簋于北啟皆

加匙箸壻從者布對席於饌東贊者西面告饌其主

人揖婦即對席西面皆坐贊者授一箸各以孺于醢

皆祭于豆間又皆祭黍贊者各取肺絕末以授皆祭

贊者以肺于俎凡祭與食贊者皆贊之贊者皆移黍置于席上

脊皆以渚將三飯啐食贊者二人俱洗盞于房酌于

室內之樽詣戶西北面以醕以主人及婦皆興再拜



受爵贊者北面答拜主人及婦皆坐祭酒贊者以肝  
從皆奠爵取肝振濟之贊者皆受贊于俎豆各取爵  
皆飲訖贊者受爵主人及婦皆拜贊者以爵復于筐  
又爵酌酒再酌主人及婦皆拜贊者以爵復于筐又  
者受爵復于筐三酌用盃如再酌主人及婦立于席  
後贊者皆降東階洗爵升酌于戶外樽入戶外西北  
俱奠爵與再拜皆坐取爵遂祭飲卒爵奠遂拜執爵  
與夫婦答拜降奠爵于筐主人出脫婦于房婦退立  
樽西南面位贊者徹饌設于東房如初婦服于室社  
于奧北趾社卧主人入燭出婦從者餽夫之餘夫從

者餽婦之餘贊者酌戶外樽酌之女從者待于戶外呼  
則聞

見舅姑

質明贊見婦于舅姑立于寢門外贊者布舅席于東  
序西向布姑席于房戶之西南向舅姑俱即席坐婦  
執筭棗栗并竹器自門外入升自西階東面再拜  
送跪奠於席前舅撫之贊者進徹以東婦退復東面  
位又再拜降自西階受筭服修服修婦從者升進北  
面再拜進跪奠于姑席前姑舉之內贊者受以東婦  
退復北面位又再拜贊禮婦席于室戶西南面左姑席  
之西少



北側樽甒禮房內東壁下如勺冪籩豆各一實以脯  
醢在樽北設洗于東房近北盪水在洗東北肆以中  
解角初各婦立于席西南面贊者盪于洗解酌醴加  
一加冪也枳面柄出房詣婦席前北面立婦進東面拜受退復  
位內贊者西階上北面拜送內贊者薦脯醢于婦席  
前婦升席坐左執解右取脯擣于醢祭于籩豆之間  
以枳祭醢三始扱一祭又扱再祭加枳于解面稟興  
降席西東面坐啐醴建枳興拜內贊者荅拜婦進升  
席跪奠解于豆棗取脯降自西階以出授婦氏入於  
寢門外三盪饋舅姑入于室婦盪饋贊者布席于室

之與舅姑共席坐俱東面南上贊者設樽于室內北

牖下饌于房內西牖下其饌如同牢

牲醴皆節折左載之于舅俎右

載之于

婦人升自西階入房以醬進設于舅姑席前

其他饌從者設之加匙箸俱以南為上俎入各設于  
房東訖贊者各授箸舅姑各以篚俎擣于醬祭于籩  
豆之間又祭飯訖乃食三飯卒食婦人于房盪手洗  
爵入室酌酒酌舅進奠爵于舅席前少東西面再拜  
舅取爵祭酒飯之婦受爵出戶入房奠于篚又盪手  
洗爵酌酒酌姑如酌舅之禮設婦席于室內北牖下  
樽東南面婦徹饌設于席前如初西上婦親徹醬設  
之其他從者



之設婦進西面再拜退升席南向坐醬飯舅命易醬內  
贊者助之既祭乃食三飯卒食內贊者洗爵酌酒酌  
婦降席西面再拜受爵升席坐祭酒飲訖執爵興降  
席東南面立內贊者受爵奠于篚婦進西面再拜受  
爵升席坐祭酒飲訖執爵興降席東南面立內贊者  
受爵奠于篚婦進西面再拜舅姑先降自西階婦降  
自阼階凡庶人子婦舅不降而  
婦降自西階以出也

婚會

其日主人至于賓大門外之西東面立賓立于阼階  
下西面儻者進于賓之左北面受命出立于大門外

之東西面曰敢請事主人曰某有嘉禮請吾子有顧  
儻者入告遂引賓出大門外之東西面再拜主人荅  
拜主人曰吾子有顧賓曰敢辭主人曰敢固辭賓曰  
辭不得命敢不從主人還賓遂興諸親從之贊者預  
鋪賓席于堂上楹間近北南向設賓之際席室位于  
賓席南面賓之異姓席位于宗室之南又于西階下  
設異姓席位皆重行南向以北為尚上設主人席位于  
阼階上西面設主人宗室位于主人東北設異姓席  
位于宗室之北皆重行西向以南為上賓至立于主  
人之大門外之西東面賓宗室立于賓之西南異姓



立于宗室之南俱重行東面以北為上儻者引主人  
出立于大門外之東重行西面以南為上立定于主  
人西面再拜賓東面再拜主人揖賓賓報揖儻者引  
主人又儻者引賓以入諸親以次從入至內門主人  
諸親次從入如常至階主人揖賓賓報揖賓主及諸  
親以次升各立于席後其庭前者亦如之定賓主及  
諸親俱坐執爵者酌酒升自東階酒升堂主人及諸  
親皆起執爵者以酒授主人儻者引主人進詣賓席  
前西北面立賓自席西進東南向受爵儻者引主人  
退復位賓位賓還席後賓立主人及諸親俱坐執爵

者又以酒授主人及賓主諸親賓主俱祭而飲爵行  
一周食升堂賓主及諸親皆起掌食者以醢醬立授  
主人儻者引主人進設于賓席前賓曰請吾子無辱  
主人曰不敢忘禮儻者引主人復位執饌者以籩豆  
簋簠俎鉶設于賓主席前又加以是箸執饌者以次  
設食訖賓主皆祭而食訖賓主皆祭而食諸親不祭  
而食于賓祭主人辭曰蔬食不足祭賓食三飯而止  
主人曰諸吾子食更飯祭畢遂庶羞觴行如常畢賓  
主及諸親俱興儻者各引賓主以下降出賓主及賓  
之諸親皆復門外位主人諸親復門內位主人再拜



送賓退儻者引主人入

婦人禮會

女賓乘車入至車所由贊者引入主人迎送相稱之辭各准其夫餘如丈夫之禮

饗丈夫送者

其日掌事者鋪賓席于堂上楹間近北南向又鋪主人席于阼階上西向又設衆賓之席于賓西南設從者位階下重行北上賓立于主人門外之西俱重行東西以北為上立定儻者引主人出立于門東西面主人揖賓賓報揖儻者各引主人以下入至階主人

揖賓賓報揖賓主以下俱升立于席後立定賓主以下俱坐遂進酒設食如婚會之儀會畢賓主以下俱與儻者引賓立于西階下東面主人掌事者奉束帛之篚升以授主人執篚西面立賓西階上北面再拜主人進立于楹間南面賓進立于主人之西俱南面主人以下篚幣授賓賓受退立于西階上東面主人還東階上北面再拜送儻者引賓以下降自西階從者訝受幣在庭者以次出復外位儻者引主人降自東階出門東西面拜送賓退主人入

饗婦人送者



內賓者引賓升主人迎送于閣內相稱之辭各准其  
夫酬以束帛如丈夫之禮五品以上子孫九品以上  
子孫三品以上大功以上親五品以上期以上親婚  
並假用士禮

大唐開元禮卷第一百二十五

大唐開元禮卷第一百二十六

嘉禮

朝集使於尚書省禮見并辭

任官初上相見諸州上位同

京兆河南牧初上諸州刺史都督同

萬年長安河南洛陽令初上諸縣同

朝集使於尚書省禮見并辭

其日奉禮郎預布版位于尚書省都堂之前京官九  
品以上位在東每等異位朝集使位在西亦如之皆  
以北為上



謁者絳服先引京官入就位又謁者引諸方朝集使  
等入就位奉禮郎立朝集使之北差退贊者陪其後  
京官及朝使序立訖奉禮曰再拜贊者承傳朝集使  
等俱再拜京官等逡巡揖避再拜訖京官等俱答拜  
朝集使等逡巡揖避再拜訖謁者贊禮稱畢群官等  
各以次進朝集使亦退其禮辭亦如之

任官初上相見

諸州上位同

應冊命之官受冊訖朝服乘輅備儀鳴鏡詣太廟  
南門至下車所鏡吹止受冊者降輅謁者引入立于  
廟廷北面西上立定再拜訖又再拜辭謁者引出乘

輅鳴鏡而還

若先受制書者發第備儀伏謂詣太廟如上儀

遂詣本司將至

畢官先到俱公服俟于別到初上者至降輅贊者禮  
引入停于後堂改著公服儀仗陳于廳事之前贊禮  
者引卑官俱位于內門之外西廂等異位重行東面  
以北為上初卑官就門外位贊禮者引初上者立于  
廳事東階東南西面贊禮者引卑官以次入立于西  
階西南重行東面以北為上立定卑官俱再拜初上  
者各再拜贊禮者引卑官出贊禮者引初上者就復  
堂平官俱更衣訖贊禮者引應坐者入立于廳事東  
西階下其應致敬者立于門外東西俱北上贊禮者



引初上者出升堂就榻後應坐者俱升詣坐後立定  
初上者升坐應坐者各依其班而坐其應致敬者入  
立于東西階下俱以北為上諸流外官入立于庭重  
行于北上再拜訖就東階下品官之後本司以印  
及職掌置于案本司引入升詣坐前本司取印及職  
掌次以進置于坐上之案訖本司案引降出諸司以  
次諮判三條事訖俱興立于坐後贊禮者引初上者  
還及堂以外降出設會如掌儀官卑不答拜廟  
者徑言上所不判事者禮見而已若四品以下初上  
皆常服若先任者尊及官位等者先任者俟于東階

下西面新任者入立于西階下東面再拜先任者答  
再拜訖新任者還于廳事立于東階下與卑官相見

如上儀

諸州長史縣丞  
以下初上准此

京兆河南牧初上

諸州刺史  
初上禮附

其日州牧備儀仗至州停於後堂兵曹設儀仗于廳  
事門庭如常儀本司設牧位于廳事楹間近北南向設  
州官長史司馬位于堂下東方西向設錄事參軍以  
下位于司馬之南重行西向皆以北為上設諸縣官  
位庭中近西諸鄉望位于縣官之東每等異位俱重  
行北面對為首

州助教縣博士助  
教依鄉望班諸勳

長史以下集于



州南門之外州官在東縣官在西鄉望在州官東南  
各有次俱服公服鄉望常服司功整次紙名入諮贊  
禮者引牧出立于廳事東階東南西向左右侍從如  
常贊禮者立于牧南少退俱西南贊者引州官入就  
位次引縣令以下入州而左又引鄉望入門而右俱  
入就位定贊禮者引牧升自東階即位南面立又引  
縣令及鄉望五品以上自西階升堂進當牧前重行  
北面位如在庭之儀立定上下俱再拜牧荅再拜上  
下在位者皆逡巡避位贊禮者引縣令以下及鄉望  
俱出贊禮者引牧降入贊禮者引長史以下次出俱

更衣本司量設 坐于堂上訖贊禮者引縣令及鄉  
望俱就西階下又引長史以下入立于東階下俱北  
上贊者牧出升堂就榻後長史以下并縣令及職事  
五品以上應升坐者各班俱升詣坐後立定牧升坐  
諸應坐者俱坐州縣位史以下入庭中重行北面西  
上州縣學生位于其後俱再拜訖就陳階品官之後  
立錄事以印及職掌置于案錄事一人引入升詣坐  
前錄事以印及職掌以次進置于牧案訖錄事引案  
降出諸司以次諮判三條事訖坐者俱與贊禮者贊牧  
興引還後堂長史以下降出設會諸州勅史初上准  
此其所望文武官



七品以上及德行  
有聞者皆升堂

萬年長安令初上

河南洛陽縣令禮同

其日令停于後堂設令位于廳事楹間近北南向設  
鄉望位于南方重行北向以西為上其勳官儀出身  
班傳上 依鄉望班又設丞位于東方西向設主  
簿 尉位于亞南少退西向北上鄉望以下俱集于  
縣南門外之兩各有次司功整次紙名入諮禮者引  
令 立于廳事東階東南西向侍從如常儀贊禮者  
立于令之南少退俱西向贊禮者引丞以下及就位  
次引鄉望及就位贊禮者引令升自東階即位南向

立贊禮者引鄉望文武官五品以下升自西階當進  
令前重行北面以西為上立定上下在位者俱再拜  
令答再拜上下在位者皆逡巡避位贊禮者引鄉望  
降自西階以出鄉望在庭繼出贊禮者引令降自東  
階以入又引丞以下以次出本司量設牀坐于堂上  
訖贊禮者引鄉望入立于廳事東西階下丞以下于  
門外道西東面俱北上贊禮者引令出升堂就榻後  
又贊禮者引丞入引鄉望文武官五品以下俱升詣  
坐後立又贊禮者引主簿及尉入立于東階下立定  
令升坐諸應坐者俱坐錄事及主史以下入立于庭



中北面西上學生位于其後俱再拜就訖東階縣尉  
後立錄事以印及職掌置于案錄事一人引入升詣  
坐前錄事取及職掌以次進置于案訖錄事引  
案降諸司以次諮判三條事訖丞及鄉望俱與贊禮  
者贊令與引還後堂鄉望降出設會如常儀諸縣令  
初上准  
此其鄉望文武官七品以  
上及廳行有關者皆升堂

大唐開元禮卷第一百二十六

大唐開元禮卷第一百二十七

鄉飲酒

鄉飲酒之禮刺史為主人

此謂貢人之中有明經進士身德行孝弟灼然顯

者行表門閭及秀才者皆刺史為先占鄉之致仕有主人若無此色皆判司攝行事

德者謀之賢者為賓其次為介又其次為眾賓與之

行禮而賓舉之介以下無其人則闕其人戒賓立于賓大門外

之西東面賓立于東階下西面將命者立于賓之左

北面受命出于門外之東西面曰敢請事主人曰某

日行鄉飲酒之禮某子臨之將命者入告賓出立于

門東西面拜辱以白造主人答拜主人曰吾子學優



行高應茲觀國某日展禮請吾子臨之賓曰某固陋  
恐辱命敢辭主人曰謀于父師少師莫若吾子賢敢  
固以請賓曰夫子申命之某敢不敬領主人再拜賓  
荅拜主人退拜送主人成介亦如之介辭曰某日行  
鄉飲酒之禮請  
吾子戒其日質明設賓席于楹間近北南向設主人  
之也  
席於階階上西向設介席于西階上東向設衆賓席  
于賓席之西各南向皆不屬焉又設堂下衆賓席  
于西階西南東面北上設兩壺于賓席東少北元酒  
在西加勺冪置筐於壺東南肆實以爵觶設贊者位  
於東階東西上面北上賓介及衆賓至立于廳事入

門外之右東向北上執事者俱復位主人近賓於門  
外之左西面拜賓賓荅拜又西南向拜介介荅拜又  
西南揖衆賓衆賓揖主人又揖賓賓報揖主人先入  
門而右西面賓入門而左東面介及衆賓序入主于  
賓西南東面北上衆賓非主賓者皆北面東上凡賓  
揖周旋皆  
有贊相也主人將進揖當階揖賓皆報揖至階主人  
曰請吾子升賓曰某敢固辭主人曰固請吾子升賓  
曰某敢固辭主人曰終請吾子升賓曰某敢終辭主  
人升自阼階賓升自西階當榻北面立執樽者徹冪  
主人適篚跪取爵興適樽賓之進賓席前西北面獻



賓賓西階上北面拜主人少退賓進席前受爵退復  
西階上北面立主人退于阼階上北面拜送爵賓少  
退贊者薦脯醢于賓席前賓自西方升席南面立贊  
者設折俎賓跪左執爵右取脯擣于醢祭籩豆之間  
遂祭酒啐酒也啐嘗興降席東適西階北面跪卒爵執  
爵興適樽實之進主人席前東南面酢主人主人于  
阼階上北面拜賓少進主人進席前受爵退復阼階  
上北面立贊退復西階上北面拜送爵贊者薦于主  
人席前主人由席東自北方升贊者設折俎主人跪  
左執爵右祭脯醢遂祭酒啐酒興自南方降席復阼

階上北面跪卒爵執爵興跪奠爵于東序端興退適  
篚跪取解實之以酬賓復阼階上北面跪奠解遂拜  
執解興賓西階上荅拜主人跪祭遂飲卒解執解興  
適樽實之進賓席前西北面西階上拜主人少退賓  
既拜主人跪奠解于席西興復阼階上位賓遂進席  
前北面跪取解興復位西階上位主人北面拜送賓  
進席前北面跪奠解于席東興復西階上位酬酒不舉者君  
于不盡人之主人既北揖遂降立于阼階下西面降  
歡以全交也主人進  
賓立于西階西當序東面主人將興介為禮主人進  
迎介主人揖介介報揖至階一讓主人升阼階介升



西階當榻賓北面主人詣東序端跪取爵興適樽實之進于介席前西南面獻介介西階上北面拜主人少進席前北面受爵退復位主人于介右北面拜送爵介少退主人立于西階之東贊者薦脯醢于介席前介由席西階北方升席贊者設折俎介跪左執爵右祭醢遂祭酒執爵興自南方降席復西階上北面跪卒爵執爵興介授主人適樽實之以酢于西階<sub>上</sub>立于介右北面跪奠爵遂拜執爵興介荅拜主人跪祭遂飲卒爵執爵興退跪奠爵于西楹南還阼階上揖降介降立于賓南主人立于阼階前西南面賓揖衆

賓賓揖遂升主人適西楹南跪取爵興適樽實之于西階上南面獻衆賓之長升西階上北面拜受爵主人于衆賓長之右北面拜送贊者薦脯醢于其席前衆賓長升席跪左執爵右祭脯醢祭酒執爵興退于西階上立飲訖授主人爵降復位主人又適樽實之進于西階上南面獻衆之次者如獻衆賓長之禮又次一人升飲亦如之主人適樽實之進于西階上南面獻堂下衆賓衆賓每一人升受爵跪祭立飲贊者遍贊脯醢于其位訖主人爵奠于筐主人降與賓一揖一讓升賓介衆賓序升即席設工人席于堂簾西



階之東北面東上工四人入先二瑟升自西階就位坐工歌鹿鳴卒歌笙入立于堂下北面奏南陔訖乃

間歌南有嘉魚笙崇邱

間代也謂一吹也

乃合樂周南關

雎召南鵲巢

合謂歌與樂聲俱作也樂無工樂止人則闕無得作淫聲不雅之曲

告賓日止歌備告訖司正升自西階

司正謂主人之贊禮者禮樂之

正監既成將留賓為有跪取觶於筐與適樽實之降

懈情立司正以監之自西階詣阼階間又還北面跪奠觶與拱手少立跪

取觶揚觶訖遂飲卒觶跪奠觶與拜退復西階西賓

降席跪取觶于筐適樽實之詣阼階上北面酬主人

主人降席進立于賓東

初起振酬也凡振

賓跪奠觶

遂拜執觶與主人荅拜賓立飲卒觶賓適樽實之進

阼階上東南面受主人主人再拜賓少退主人受觶

賓于主人之西北面拜送

旅酬同階禮殺

賓揖復席主進

西階上北面酬介介降席自南方進立于主人之西

北面主人跪奠觶與介荅拜主人立飲卒觶適樽實

之進西階上西南面立介拜主人少進介受觶主人

立于介東北面拜送主人揖復席司正升自西階進

西北面立相旅曰某子受酬受者降席自西方進北

面立于介右

旅序也于是介酬衆賓又以次序相酬也某者衆賓姓也同姓則以伯仲別之

又同名以某字別之受酬者司正退立于西序端東

由介東尊介使不失故位也



面避受爵者又使其贊相上下也介跪奠觶遂拜執觶某子荅拜介

立飲卒觶適樽實之進西階上西南面授某子某子

受觶介立于某子之左北面揖復席司正曰某子受

酬受酬者降席自西方立于某子之左北面某子跪

奠觶遂拜執觶與某子荅拜某子主飲卒觶適櫛實

之進西階上西南面授之酬者受觶某子立受酬者

之右揖復席次一人為堂下賓眾受酬亦如之卒受

酬者以觶跪奠于篚興復階下位司正適阼階上東

命受命于主人主人曰請坐于賓司正迴北面告于

賓曰請賓坐賓曰唯命賓主之辭皆司正傳請也賓主各就席坐

若賓主俱公服者則皆降脫履主司正降復位乃羞

人先左賓先右禮畢降納如常

羞進也所進肉無算爵算數也賓主燕飲也爵無數

取以下皆與焉燕訖賓主俱興賓以下降自西階主

人之贊者主人降自東階賓以下出立于門外之西

東面北立主人送于門外之東面再拜賓介逡巡而

退



大唐開元禮卷第一百二十八

正齒位

每年季終之月縣令為主人鄉之老人年六十以上  
有德望者一人為賓以一人為介又其次為三賓又  
其次為眾賓其日質明設賓席于楹間近北南向設  
主人席于阼階上西向設介席于西階上東向設三  
賓席三于賓席之西各南向皆不屬焉又設眾賓席  
于楹間近南北面東上設兩壺于賓之東少北元酒  
在西加勺篋置篋于壺南東肆實以爵解設賓者位  
于階受南西向北上賓介及三賓至立于廳事大門



外之左衆賓立于賓之後俱東南北上執事者俱復  
于位主人迎賓于大門外之西南拜賓賓答拜又  
西南面拜介介答拜又西南面揖衆賓賓報揖主人  
又報賓賓報揖主人先入門而右西面賓入門而左  
東面介及三賓序入立于賓之後俱東面北上凡賓  
主拜  
揖周旋皆  
有贊相主人將進揖當階又揖賓賓皆報揖至階  
主人曰請吾子升賓曰某敢辭主人曰固請吾子升  
賓曰某敢固辭主人曰終請吾子升賓曰某敢終辭  
主人升自阼階賓升自西階當楮北面立執樽者徹  
筩主人適篚跪取爵興適樽實之進賓席前西北面

獻賓賓西階上北面拜主人少退賓進于席前受爵  
退復西階上北面立主人退于阼階上北面拜送爵

賓少退贊者薦菹醢于賓席前

賓以下年六十者三  
豆七十者四豆八十

者五豆九十者  
及主人皆六豆

賓自西方升賓南面跪左執爵右取

菹孺於醢祭于豆間遂祭酒啐酒

啐嘗  
也興降席東適

西階北面跪卒爵執興適樽實之進主人席前東南  
面酢主人于阼階上北面立賓退復西階上北面拜  
送爵贊者薦菹醢于主人席主人面席東自北方席  
跪左執爵右執脯醢遂祭酒啐酒興自南方降席復  
阼階上北面跪啐爵執爵興跪奠爵于東序端興適



篚跪取解實之以酬賓復阼階上北面跪奠解遂拜  
執解興賓西階上荅拜跪祭飲卒解興適樽實之進  
賓前北面賓拜主人少退賓既拜主人跪奠解于薦  
西興復阼階上位賓遂進席前北面跪取解興西階  
上在主人北面拜送賓賓席前北面跪奠解于薦東  
興復西階上位酬者不舉者君子不主人北面揖遂  
降立于阼階下西面賓降立于西階當西序東面主人  
將與介為禮故主人進迎介主人揖介介報揖至階  
賓不居堂上一讓升主人升阼階介升西階當楹北面立主人詣  
東序端跪取爵興適樽實之進于介席前西南面獻

手介介西階上北面拜主人少退介進北面受爵退  
復位主人于介之右北面拜送爵介少退主人立于  
西階之東贊者薦菹醢于介席前介進自北方升席  
跪左執爵右祭菹醢遂祭酒執爵興自南方降席北  
面跪卒爵執爵介授主人爵主人適樽實之以酢于  
西階上立于介右北面跪奠爵遂拜執爵興介荅拜  
主人跪祭遂飲卒爵執爵興進跪奠爵于西楹南還  
阼階上揖除降介主于賓南主人于阼階前西南揖  
衆賓遂升適西楹南跪取爵興適樽實之進於西階  
南面獻賓衆三賓之長升西階上北面拜受爵主人



于三賓長之右北面拜送贊者薦菹醢于其席前三  
賓之長升席跪左執爵右祭俎醢祭酒執爵興退于  
西階上立飲訖授主人爵降復位主人又適樽實之  
進于西階南面獻三賓之次者如獻三賓之禮又次  
一人升飲亦如之主人適樽實酒進于西階上南面  
獻衆賓衆賓每一人升受爵跪祭立飲贊者遍薦菹  
醢于其位訖主人受爵奠于篚主人降賓一揖一讓  
升賓介衆賓序外即席設工席于堂簾西階之東九  
面東上側簾工四人入先二瑟後二歌工持瑟升自  
西階就位坐工歌鹿鳴卒歌笙入立于堂下北面奏

南陔訖乃間歌南有嘉魚笙崇邱間代也謂一乃合

樂周南關雎召南鵲巢合謂歌與衆聲相作也樂無

工則闕母得作淫聲不雅之訖司正升自西階司正謂主人之替禮者禮樂之

曲既成將留賓為有解惰立司正以跪取觶于篚興適樽實之降自西階詣階間右

還北面跪奠觶拱手少立跪取觶遂飲卒觶奠觶再

拜賓降席跪取觶于篚適樽實之詣阼階上北而酬

主人降席進于賓東初起旅酬也凡旅賓跪奠觶遂

拜執觶興主人荅拜賓立飲卒觶適樽實之進阼階

上東面南授主人主人再拜賓少退主人受觶賓于  
主人之西北面拜送旅酬同賓揖復席主人進西階



上北面酬介介降席自南方進立于主人之西北面  
主人跪奠解遂拜執解與介荅拜主人立飲卒解適  
樽實之進西階上西南面主介拜主人少退介受解  
主人于介東北面拜送主人揖復席司正升自西階  
近西北面立相旅曰其子受酬受酬者降席自方進  
北面立于介旅序也于是介酬衆賓又少序  
別之又同則以其字別之乎酬司正退立于序端東  
者由介東尊介使不失故位也  
面避受酬者又使介跪尊解遂升執解與某子荅拜  
其贊相上下介立飲卒解適樽實之進西階上西南面授某子某  
子受解介立于某子之左北向揖復席司正曰某子

受酬受酬者降席自西方立于某子之名北面某子  
跪奠解遂拜執解與受酬者荅拜某子立飲卒解爵  
適樽實之進西階上南面授之受酬者受解某子立  
于受酬者之右揖復席次一人及衆賓受酬亦如之  
卒受酬者以解跪奠于篚興復位司正適阼階上東  
面受命于主人請曰坐于賓司正迴北面告于賓曰  
請賓坐賓曰唯命賓主之辭皆請賓主各就席立若賓  
公服者則皆降脫履階下履如常司正道篚跪取解與  
人先左賓先右禮畢降納進立于楹間北面乃揚解而言曰朝廷率由舊章敦  
行禮教凡我長幼各勗忠于國孝于親內穆于閨門



外比于鄉黨無或憊情以忝所生以下皆再拜司正  
跪奠觶再拜跪取觶飲卒興賓主人以下皆坐司正  
適筐跪奠觶興降復位無算爵算數也賓主燕飲爵  
行無教醉而止三賓  
以上贊者二人行爵無算樂燕樂亦無數或問主人  
或止盡合歡而止  
以下取足而已也  
之贊者皆與焉燕訖賓主俱興賓以下出立于門外  
之西東面北上主人送于門外之東西面再拜賓介  
逡巡而退

大唐開元禮卷第一百二十八

大唐開元禮卷第一百二十九

嘉禮

宣赦書 羣臣詣闕上表 羣臣奉叅起居

皇帝遣使詣蕃宣勞

宣赦書

其日質本明司承 詔宣告內外隨職供辦守宮設  
文武羣官次于朝堂如常儀羣官依時刻皆集朝堂  
俱就次各服其服奉禮設文武羣官版位于順天門  
外東西當朝堂之南文東武西重行北面對為首  
設中書令位于羣官西北東向刑部侍郎率其屬先



取金雞于東朝堂之東南向置鼓板于金雞之南遂擊每一鼓授一板刑部侍郎卿錄京師見囚集于羣官之南北面西上囚集訖設止通事舍人引羣官各就位中書令受詔訖遂以詔書置于案合史二人對舉案通事舍人引中書令持幡節者前導持案者次詣門外位立持節者立于中書令之南少西令事舉案者立于中書令之西北集俱東面立定持節者脫節持案者進詣中書令取詔書持案退復位中書令稱有位中書令稱有詔書持案退復位中書令稱有詔羣官皆再拜宣訖羣官又再拜舞蹈又再拜刑部

釋囚刑部尚書前受詔書退復位持節者加節衣通事舍人引中書令幡節前導而入又通事舍人引羣官還次

### 群臣詣闕上表

前一日守宮設文武群官次于廟堂如常儀其日量時刻文武群官集俱就次各服朝服奉禮設文武群官位于東朝堂之前近南文東武西重行北面相對為首設中書令位于群官之北南向設奉禮位于群官東北贊者二人在南少退俱西向奉禮師贊者先就位禮部令史二人絳公服對舉表案立于奉禮



之北定典謁引中書令出就南面位禮部郎中引表  
案詣中書令前郎中取表以授中書令受表郎中興  
案退復位奉禮曰再拜贊者承傳群官在位者皆再  
拜通事舍人引中書令以表入奏出復南面位稱有  
詔群官再拜宣 詔訖又再拜謁者為首一人進北  
面受表退復位舍人引中書令入謁者引群官還次

群官奉參起居

前一日守宮設文武群官次于廟堂如常儀 其日  
依時刻文武群官九品以上俱集朝堂次奉禮設文  
武群官位于東朝堂之前文左而武右重行北面相

對為首又設奉禮位于文武東北贊者二人在南少  
退俱西向又設通事舍人位于文官為首者之北少  
東西向並如常奉禮師贊者先就位舍人各引文武  
群官俱就次退復位奉禮唱再拜贊者承傳群官在  
位者皆再拜舍人入奉訖舍人承 旨復位西面稱  
勅旨群官在位者皆再拜 宣勅訖又再拜舍人  
及群官俱退

皇帝遣使詣蕃宣勞

前一日執事者設使者次于大門外道東南向 其  
日使者至執事者拜就次使者以下俱公服藩主朝



服立于東階東南西面使者出次執事者引使者立于大門外之西東面使副立于使者西南持節者立于使者之北少退令史二人對舉 詔書案立于使副西南俱東面執事者引藩主近使者立于門外南北南再拜使者不荅拜執事者引使者入持節者前導持案者次之入門而左使者詣階間南面立持節者立于使者之東少南西面使副立于使者西南持案者立于使者之南北面持節者脫節衣持案者進使者前使副取 詔書持案者退復位使副進受使者退復位使者稱有 詔藩主再拜使者宣 詔訖

藩主又再拜執事者引藩主進設者前北面受 詔書退立于東階東南西面持節者加節衣執事者引使者持節者前導持案者次之出復門外位執事者引藩主拜送于大門外使者還於次執事者引藩主入



大唐開元禮卷第三十

嘉禮

皇帝遣使詣諸州宣撫

皇帝遣使詣諸州宣

詔書勞會

皇帝遣使詣諸州宣

赦書

鎮與州同

諸州上表

皇帝遣使詣諸州宣撫

前一日本司設使者次于州大門外道右南向又設應集之官次大門外文官道東武官于使次西南俱南向相對為前其日使者將至刺史出城迎于一



里外相去九十步許刺史于路左下馬使者下馬皆  
少進使者命刺史乘馬使者與刺史俱乘馬而行使  
至鎮及縣其鎮將縣令出迎與刺史同者使者五品  
以上鎮將縣令六品以下則使者不下馬命鎮將縣  
令乘馬而行若應集者至州門外各次服朝服者公  
服應集者不出迎臨邊者大制及應集官路遠不及本司設使者位于廳  
事階間南面說刺史位于使位之南北向設應集之  
官位于刺史之後每等異位若有諸老則位于諸官  
之後俱重行北面以西為上又設刺史以下位于大  
門外之東每等異位重行西面以北為上使者至掌  
次者引就次若別日宣勞則使者停刺史入使者以下皆公服

制書及版各置于案贊禮者引應集之官就門外位  
諸老應受版者齒立八十以上杖于位刺史朝服以出行叅

軍引立于東階東南西向使者出次贊禮者引使者  
持階節者前導立于門西東面持幡節者立于使者  
之北少退使副立使者西南使對舉制書及版案  
立于使副西南俱東面北上若版多則量加案立定行叅軍  
引刺史近于大門外之西南北面再拜引刺史先入  
立于內門外之西東面立州官位于其後贊禮引使  
者入持幡節者前導入門而左使副以下從之使者  
詣階間就位南面立持幡節者于使者之東少南西



面幡在南使副立于使者西南持案者立于使副之南少退俱東面行參軍引刺史贊禮者引應集之官以次入就位立定持節者脫節衣持案者進使副前使副取副書持案者退復位使副以制書進授使者退復位使者稱有制刺史等再拜宣制訖刺史等入再拜行再拜參軍引刺史進詣使者前北面受制書退立于東階東南西面贊禮者次引應受制者等別受制如常儀凡同制書者皆同拜訖引立于刺史東西南面北上若有版受中以案詣使副前使副取版進受者皆如初贊者引為首一人少進使者稱有

制為首者再拜宣制訖為首者又再拜贊者進詣使者前北面受版若有粟帛賑恤依式宣付凡老者拜

一坐再至九訖引立于刺史之後又引次受者亦如

十以上子拜之訖持節者加節衣贊禮者引使者幡節前導以出使副以下從之俱復門外位諸老以版授子弟行參軍引刺史贊禮者引州府之官及諸門出復門外位立定刺史拜送贊禮者引使者還于次行參軍引刺史入贊禮者引州官及諸老還次若諸縣宣勞版授如在州之儀若使者于隨使宣制授賜物者縣令預集鄉望于館門外之南重行北面西上使者至立



於門西東拜鄉望俱再拜使者入詣廳事前南面立鄉望隨入宣勞授受乃拜送皆如上儀凡使至先問百年有則宣制致饌酒米寢物皆子弟代受之

皇帝遣使詣諸州宣詔書勞會

前一日本司設使者門外位文官道東武官于使次西南俱南向相對為首其日質明應集之官到州門外各就次服朝服非朝服者公服設本司使者位于廳事階間南向設刺史位于使位之南北面設應集之官位于刺史之後每等異位重行北面以西為上又設刺史以下位于大門外之東每等異位俱重行

西面以北為上使者掌次者引就次以制書置于案使者以上以下皆公服贊禮者引應集之官俱就門外位刺史朝服以出行參軍引立于東階東南西面使次出贊禮者引使者立于門西東面使二人對舉制書案立于使者西南俱東面立定行參軍引刺史先入立于內門外之東西面立州官立于其後贊禮者引使者入門而左持案者從之使者詣階間就位南向立持案者立于使者西南東面行參軍引刺史贊禮者引應集之官以次入就位立定持案者引使者前使者取制書將案者退復位使者稱有



制書刺史等再拜至 制訖又再拜行參軍引刺史  
進詣使者前北面受 制書退立于東階東南西面  
贊禮者次升應受 制者等制受 制如上儀凡同制當  
者皆訖贊立于刺史東南西面北上贊禮者出持案  
者從之俱復門外位行參軍引刺史贊禮者引州官  
以次出俱復門外位立定刺史拜送贊禮者引使者  
還于次行參軍引刺史入贊禮者引州官各還次將  
會本司改設刺史以下位于廳事之庭如常禮又鋪  
使者席于廳上楹間東向刺史席于使者之東西面  
州縣之席于刺史之後各依其品俱南上席于庭者

文官在東武官在西皆北上設訖刺史以下各服公  
服若常服贊禮者引使者行參軍引刺史又贊禮者  
引預會之官俱就門外位立定贊者先入就位贊禮  
者引使者先入行參軍引刺史贊禮者引預會之官  
以次入就位定贊唱者曰再拜在位者皆再拜贊禮  
者引使者行參軍引刺史又贊禮者引應升階者詣  
東西階以次升各立于席後其位于階下者又引就  
席後上下立定俱就席俛伏坐遂行酒至上下立定  
皆俛伏興立于席後俱再拜搢笏立受酒引席俛伏  
坐飲酒行三周進食食至上下皆俛伏興立于席後



設食訖俱升席俛伏食訖仍行酒會畢俱興各引以次降復位立定贊唱者曰再拜在位者皆再拜以次

升出

君無臺使會位贊拜亦准此

皇帝遣使詣諸州宣赦書

鎮與州同

其日本司設使者次于州人門外道右南向使者至掌次者引就次以赦書置于案廳集之官至州門外服朝服非朝服者公服本司設使者位于廳事階間南向設刺史位于使位之南北面設應集之官位于刺史之後文官在東武官在西每等異位俱重行北面相對為首又設門外位文官于門東每等異位重

行西面武官于門西每等異位重行東向俱以北為上本司錄州見囚集于州門之外北面西上贊禮者引應集之官俱就門外位刺史朝服以出行叅軍引立于東西向使者出次贊禮者引立于門西武官之前少北東面使二人對舉案立于使者西南俱東面立定行叅軍引刺史迎于大門外之南北面再拜行叅軍引刺史先入立于內門外之東西面州官立于其後贊禮者引使者入門而左持案者從之使者詣階間就位南面立于使者西南東面行叅軍引刺史贊禮者引應集之官以次入就位立定持案進使者



前使者取赦書于案者退復位使者稱有制刺史  
以下皆再拜宣赦訖又再拜舞蹈又再拜本司釋囚  
行叅軍引刺史進使者前北面受赦書退復位贊者  
引使者出持案從之俱後門外位行叅軍引刺史贊  
禮者引州官以次出復門外位刺史拜送贊禮者引  
使者還于次行叅軍引刺史入又贊禮者引州官各  
還次

諸州上表

前一日本司設應集之官次于州大門外文官道東  
武官道西俱南向相對為首其日夙興本司設使者

位於聽事階間南面向設刺史位于使位之南北向設  
應集之官位于刺史之復文在東武在西每等異位  
俱重行北面對為首設贊唱者位于東階東南西  
北上設應集之官門外位文官于門東每等異位重  
行西向武官于門西每等異位重行東向俱以北為  
上質明應集之官至州門外就次服朝服非朝服者  
公服贊禮者引應集之官俱就門外位贊唱者先入  
洗位佐史對舉表案立卓于贊唱者之北西向每表  
案一刺史朝服以出行叅軍引就位贊禮者引應集之  
官以次入就位立定贊禮者引使者入門而右詣階



贊禮者引案退復位於使者西北南面東上贊唱者  
曰再拜刺史以下皆再拜贊唱者引使者出舉案從  
之行參軍引刺史又贊禮者引州官以次出上表者  
若止一人則不須諸官陪位上表者于廳事東階東  
南西面持表案者立于上表者東南俱西南使者入  
立于階下門南面將表案者以案送上表者取表持  
案者退復位上表者詣使者前受表退北面再拜使  
者出上表者入



書